

DITLHOMPHO

 ...go fihla feela lebakana la go feta ge ke be ke tlogela sepetlele, gomme ka mokgwa wo mongwe ka e tlogela ka diatleng tša Morena, gore ge—ge... go tsebeng ke be ke le makgwakgwa gannyane, gobane ke bile go tonya. Eupša ke naganne ge ke... ge mme a ka be a lokile go lekanelo gore ke kgone go tla, gobaneng, ke tla ba tlase gape go tla go le etela. Gobane, ge ke bona yo mongwe boka mama a robetše fale, le go tsebeng gore bomme ba bangwe ba le bopapa fa, ke gore bohole re swanetše go tla go lefelo lela, le a bona, le go nagana ka fao ke lebogago gore o komana go ya.

² Gomme ka gona, gomme selo se sengwe ke nyakago go se hlagiša go kereke. Ke adumela ke bone Kgaetšedi Wilson morago kua. Gomme—gomme ka gona go na le Kgaetšedi le Ngwanešu Sothmann mo felotsoko, mohlomongwe, ka moagong. Gomme—gomme ba bantsi ba lena mo ba ba bego ba neelana ka thušo ya lena go dula godimo le mama bošego, le dilo boka tše, seo ke go botegago ka maatla. Gomme ke leboga tšohle tše le di dirilego. Ka therešo, lapa le lapile, le a tseba, re dula bošego bjo bongwe le bjo bongwe. Gomme feela bjale, bantsi bja bona ba a šoma, kafao ke Meda le nna, goba—goba Delores, gomme o ne bana ka sekolong, gomme e no ba mohuta wa go e dira boima go no e arola magareng ga ba mmalwa ba rena ka tsela yeo, gomme o no lapa. Go no ba boima go ya, gomme ga o kgone go bolela mosegare go tloga go bošego, le gannyane, gagolo ge o fihlike godimo go e ka ba lebaka leo Meda le nna re lego, le a tseba, ga go—ga go tsee mašego a mantši kudu go go lapiša ge o hwetša go gola go gonyane go wena.

³ Kafao, ke be ke fela ke nagana nka no e dula mosegare le bošego. Ke be ke etšwa California ka mohuta wa T-Ford ya ka ya kgale, gomme ke be ke otsela gannyane ka tseleng, go ntše matšatši a e ka bago a mane goba a mahlano, mohlomongwe matšatši a šupago, go e dira. Gomme ke tla otlela go bapa, mosegare le bošego. Gomme ke be ke eba go lapa gannyane, ka lahlela lepai la ka ka tlase ga koloi, ka otlela ntše ka megoleng, ka robala diiri tše mmalwa le go ya pele. Ke fetogile bantsi ge e sa le go tloga nako yeo, Ngwanešu Neville. Ke no lemoga gore ke sa tso feta bogolo bja mengwaga ye masomepedi tlhano, le a bona.

⁴ Gomme kafao ke mo—mo monyetla go ba mo ntlong ya Morena bošegong bjo. Gomme mosong wo ke bile le tše nnyane—tše nnyane, dinoutse di se kae mo tše ke bego ke nyaka go... ke be... Morena o mphile. Gomme ke naganne mohlomongwe gore mosong wo, ge nka hwetša sebaka, ke tla bolela ka yona pele ke eba le thapelo bakeng sa balwetši. Eupša go beng gore re be re le thari ka go dipotšišo mosong wo, ke naganne mohlomongwe, ge

mama a be a le bokaonana gona mohlomongwe e tla ba leswao gore ke be ke tla tla tlase gape bosegong bjo, mohlomongwe, gomme ke be ke tla bolela lebakana le lennyane bosegong bjo ge e se ya šitiša lenaneo la Ngwanešu Neville felotsoko.

⁵ Gomme go emeng ka kamoreng ke nno ba le bopaki bja bothakga go mpha, ka kgaetšedi wa Mokriste yo a nago le rena bosegong bjo. O be a le ka mothalong wa thapelo mosong wo, gomme o a rapela, a emetše yo mongwe gape. Gomme ka kamoreng ya gagwe, kamora ya go fifatšwa, go na le *Se—Se Selalelo sa Morena, Selalelo sa Mafelelo sa Morena*. Gomme go bjalo letšatši ga le kgone go ratha kamora ka leemong e ka ba lefe. Gomme ge ka iri ya boraro morago ga sekgalela se, Ntikodiko ye ya Seetsa ye ya go bonwa mo ge re feditše go rera ka Mabaka a Kereke, feels ka go bontši boka mmala wa molalatladi, boka, e tlie thwi ka godimo ga hlogo ya Morena Jesu. Gabotse, o Se šeditše dinakwana di se kae. Gomme o ile le go botša kgaetšedi wa gagwe, ka tsela ye ke kwešišago kanegelo, gomme—gomme ba tlie ba Se makalela nako ye telele, iri goba se sengwe. Gomme ka gona ba biditše moagišani, modiredi, e bego e le Ngwanešu Stricker godimo mo, go bona tiragalo ya Sona. Gomme ba dutše le go Se bogela, pele go fihla ga tlhano goba se sengwe boka seo. Gomme modiredi o kgopetšwe go rapela, gomme o ikwetše gore o be a no se kgone go rapela, goba se sengwe.

⁶ Ka go—go nthathana gannyane, yo mongwe o file molaetša, (gomme ba be ba efa tlhathollo ya bona ya se se bego se se ra), gomme molaetša o tlie morago, ka go bolela ka go molaetša, gomme o boletše gore ba “hlathollotše ka phošo,” ga se ba ke ba e fa gabotse. Ke nagana yeo ke nnete, a ga se yona, Kgaetšedi Bruce? Ga se ba e fa gabotse. O boletše gore se leswao le bego le le, e be e le go ba laetša, boka go leboga ga bona, gore ba be ba dumetše Molaetša wo o yago pele mo go tswa tabarenekeleng, ka mokgwa woo. Gomme o rile ba be ba eya go bona dilo tše kgolwane go feta se se direga, gore ba tla bona ebile le Barongwa ba rotoga, le go theoga le go rotoga.

⁷ Kafao re phela ka matšatšing a mafelelo, gomme re kgauswi le nako ya bofelo. Gomme ke . . . Se se kwagala, se ka no kwagala go šiiša go batho ba bangwe, eupša go Bakriste, ke thabile gore re mo. Ke—ke thabile gore re bofelong.

⁸ Ke boletše seo gatee ka kopanong. Gomme motho a bolela le nna, o rile, “O ra go reng? O ra gore o tla thaba go bona bofelo bja lefase bo etla?”

Ke rile, “Oo, ee, mohlomphegi!” Ke rile, “Kgonthe!”

⁹ O rile, “Gabotse, seo ga se kwagale tlhaologanyo, e ka ba mang a tla nyakago bofelo bja lefase bo tle.”

¹⁰ Ke rile, “Mo bofelong bja lefase, nako, Jesu o a tla, gomme Yoo ke Yo ke nyakago go mmona.” Gomme ke rile, “Beibele e

boletše gore, ‘Bohle bao ba ratago go bonagala ga Gagwe!’ Le a bona?”¹¹

¹¹ Gomme ke lethaboo go tseba gore, gore dilo tše tša kgale mo, tše bophelo, di ya go goma le lengwe la matšatši a, gomme re ya go—re ya go Mmona.

¹² Eupša nako ye nngwe ya go feta, go boletšwe tlase ka go... Oo, mengwaga ye mentši morago, ge ba bile le bokgoba. Gomme go be go le mo—mo mokgalabje wa lekhalate yo a bego... a tlwaetše go ba le moopelo wa kereke wa kgale, dipina tše naga. Ba tla tla mmogo gomme ba tla hlankela magareng ga makgoba, le go rera, le a tseba, gomme ba tla ba le kopano. Gomme bošego bjo bongwe go bile le moisa wa kgale godimo fale a phološwa. Gomme ge a phološitše, o tsebile o be a lokologile nako yeo. Kafao a thoma go botša makgoba a mangwe, mosong wo o latelago, mo polantaseng, o rile, “Ke lokologile.”

¹³ Kafao molaodi wa gagwe o tlie godimo gomme a mo gogela ka gare, o rile, “Bjale, lebelela mo, Sam.” O rile, “Ke eng se ke kwago o se bolela magareng ga makgoba, gore o lokologile?”

¹⁴ O rile, “Ee, molaodi.” O rile, “Yeo ke therešo.” O rile, “Ka kopanong bošegong bja go feta, ke lokolotšwe go tšwa go molao wa sebe le lehu.” Yeo ke yona. Yeo ke yona.

¹⁵ Molao wa sebe le lehu, ke ile ka lokollwa go tloga go wona. O kile wa tlengwa fale, o a bona, eupša bjale o lokologile go tšwa go seo. O a bona? Bjalo ka ge ke boletše mosong wo, lehu le dula feela ka sebeng. Sebe le lehu di a swana, le a bona. Eupša ge o tlogile sebeng, o kgole le lehu; eupša ge o sa le sebeng, o mo lehung. Le a bona? Gomme ka fao ge o lokologile go tšwa go molao wa sebe le lehu, o sebopiwa se seswa ka go Kriste Jesu, gomme ka gona o lokologile.

¹⁶ Gomme molaodi wa gagwe a re go yena, a re, “Sam, a ka nnene o ra seo?”¹⁶

¹⁷ O rile, “Ee, mohlomphegi.” Gomme o rile, “Morena o mpiditše bošegong bja go feta go bolela le batho ba gešo, le go bolela le bona, gore ba kgone go lokologa go tloga go molao wa sebe le lehu. Le ge re le makgoba, go le bjalo re ka kgona go lokologa go tšwa go molao wa sebe le lehu.”

O rile, “Sam, a ka kgonthe o ra seo?”

¹⁸ O rile, “Molaodi, ga ke tsebe se o yago go se dira ka nna morago ga ge ke bolela se, eupša ke—ke a go botša, ke nna monna wa go lokologa.” O rile, “Ke lokologile go tšwa go molao wa sebe le lehu.”

¹⁹ Gomme o rile, “Sam, ke nna Mokriste, le nna, o a tseba. Gomme ka baka la gore o na le... Modimo o go dirile gore o lokologe go tšwa sebeng le lehu, gomme o Mokriste, gomme o ikwela o nyaka go botša baena ba gago ka yona, ke ya tlase mosong wo le go go lokolla, le go saena kwalakwatšo. Gomme

o ka kgora go ba monna wa go lokologa, o se wa tlengwa ke e ka ba mang, go rera Ebangedi go baena ba gago.”

²⁰ O rile moisa wa kgale o rerile lebaka la ye mentši, mengwaga ye mentši. Gomme nako ye nngwe nako yeo, morago, bjalo ka ge bohole ba rena re dira, re theogela tlase go bofelo bja tsela ya rena. Gomme ge re etla bofelong bja ya rena...tsela ya gagwe, ge a dirile, o tlide go theoga. Gomme o robetše a idibetše, ba rile, mohlomongwe lebaka, oo, diiri tše mmalwa. Gomme ba bantši ba baena ba gagwe ba bašweu ba tla ka gare go mo etela. Gomme fao go diregile go ba sehlopha sa bona ka moagong ge a tsoga, a hlapologelwa. O lebeletše go dikologa, o rile, “Le ra gore ga ke godimo kua le bjale?”

Gomme ba rile, “Sam, o be o robetše.”

²¹ O rile, “Aowa.” O rile, “Ke be ke se ka robala.” O rile, “Ke be ke le godimo ka lehlakoreng le lengwe.”

²² Gobaneng, ba rile, modiredi baena ba rile, “Sam, re botše se o se bonego ka lehlakoreng le lengwe.”

²³ O rile, “Gabotse,” o rile, “ke sepeletše ka go kgoro ye kgolo ya phetha tše tshweu,” gomme o rile, “ge ke sepeletše ka kua,” o rile, “ke bone Terone, gomme ke Mmone.” Gomme o rile, “Godimo go tlide Morongwa, O rile, ‘A ke wena Sam?’”

O rile, “Ke nna.”

²⁴ O rile, “Sam,” o rile, “še ko—ko kobo le mphaphahlogo.” O rile, “O thopile ye, Sam, ka mediro ye megolo ye o e dirilego lefaseng.”

²⁵ O rile, “O se ke wa bolela le nna ka kobo le mphaphahlogo bakeng sa moputso.”

O rile, “O ka rata eng bakeng sa moputso?”

O rile, “A nke no ntumelela go Mo lebelela lebaka la mengwaga ye sekete.”

²⁶ Ke nagana bohole re ikwela ka tsela yeo, a ga le? Ga—ga ke nyake diaparo le mefapahllogo le dipaleisi, ke tla no rata go Mo lebelela. Ke tla no rata go no Mo lebelela. Gomme feela, le a tseba, a o ka se no rata—nka rata go swara seatla sa gago ge ke sa e dira, Ngwanešu Neville. Re ka e dira mmogo, ra re, “Nagana ka yona, Ngwanešu Neville, ka fao re dutšego ka tabarenekeleng, phišo le go tonya, le dilo. Eupša lebelelang mo se re se lebeletšego, Morwa wa Modimo yo a phelago.” A seo se ka se makatše, go no lebelela le go bona dibopego tša Gagwe!

²⁷ Nna, makga a mabedi bophelong bja ka bjale, makga a mararo, ke Mmone ponong. O bonagetše go swana nako le nako. Eupša ga go na mothalandiswantšho ka lefaseng a ka tsogego a kgora go penta seswantšho sa Gagwe. Ba ka penta se sengwe seo se ka lebegago boka Yena. Eupša O bonagetše boka, go nna, O tla ba Monna ge A ka bolela lefase le tla tla bofelong, gomme

efela bose le go ratega kudu, gore go no se be . . . go no ba dimelo tše dintši kudu fale tše poratšhe ya mothalandiswantšho e ka tsogego ya di swara. Gomme ka kgontha ke nyaka go Mmona letšatši le lengwe, ka Sebele.

²⁸ Gomme ka mehla ke be ke gopola, ge, ke rata go Mo kwa ge A phagamišetša diatla tše bohlokwa tšela ntle le go re, “Etlang go Nna.” Go bona sela sa go lapa, molebelelo wola wa go tenwa go Yena, ge A be a lapile le go tenwa go tloga leetong la Gagwe, o re, “Etlang go Nna, lena bohole bao le katanago, gomme le imelwa gagolo, Ke tla le fa khutšo. Tšeang joko ya Ka godimo ga lena, gomme le ithute ka Nna, ka gore Ke yo boleta le yo bonolo.” Ke be ke tla rata go Mo kwa a bolela seo. Ke be ke se fao ka letšatšing leo. Ke be ke se ka ema le Petro, Jakobo, le Johane. Eupša ke a holofela ke eme hleng le bona mo letšatšing ge nka kgona go Mo kwa a re, “Go dirilwe gabotse, mohlanka wa Ka yo mobotse le go botega, bjale tsenang ka mathabong a Morena.”

²⁹ Gomme go nagana gore bona ba ba ngwadilego Beibele ye, Paulo, Jesaya, Jeremia, le baapostola bohole, le baena bale ba bohlokwa, e ka ba kae ba lego bjale, e ka ba kae ba lego bjale . . . Yena Modimo yoo a dirišanego le bona, go bonapele dilo le go E ngwala, le go ya pele, le go ba fa dimpho tša Beibele, seprofeto le go bolela ka maleme, le maswao le matete, le go ya pele. Bona banna ba go swana, e ka ba kae ba lego bjale, re ya go ba le bona. Modimo wa go swana ka selo sa go swana. Ga se “go thankha bjalo” gape, re a e tseba bjale, le a bona, gobane ka kgontha O gona gomme re a tseba gore go bjalo. Ka fao a ga ra swanelia go ba batho ba ba thabilego kudu lefaseng? Eng, ke eng go fetiša re ka e hlologelago?

³⁰ Ke be ke bolela morago ga sekgalela se go mokgalabje, e ka ba, ke a nagana o rile o be a le masomeseswai seswai goba masomeseswai senyane a mengwaga bogolo, yoo a sa tšogo ba Mokriste. Ke mo kolobeditše Leineng la Jesu Kriste, ge a be a se na le selo eupša sutu ya gagwe ya mehleng ya Lamorena. Ke mo tšeetše mo ka meetseng. Ke nagana Ngwanešu Wood o mo dumelitše go ba le para ya marokgo goba se sengwe, gomme re mo kolobeditše mo ka meetseng. Gomme o mpoditše, ge a be a le mošemane . . . Bokaone ke monna wa mohumi bjale. Gomme yena, ge a be a le mošemane, o boletše ka fao a šometšego ditolara tše masometharo ka kgwedi. Ga se nke a ke a nyala goba e ka ba eng go fihla a le mokgalabje. Gomme o boletše ka fao a bego a hlogetše nako yeo ge a be a tla tšofala o be a ka se swanele go kgopela le go robala mokgotheng. Ka fao a tšerego dinikele tše nnyane le dilo tše a di bolokilego, le go di dira di šome, gomme ka kgontha di ile go šoma le go gola. Gomme di dirile . . . Gomme bjale šole yena bjale, ka masomeseswai le metšo a mengwaga bogolo, masomeseswai seswai goba masomeseswai senyane, ke a nagana o rile, thwi kgaušwi le masomesenyane, a sa sepela go bapa, a dutše thwi fa ka kerekeng mosong wo. Gomme ka gona o

beakantše go lekanelo go fihla a ka se swanele go tshwenyega. Ge a phela mengwaga ye mengwe ye lekgolo, o be a ka se swanele go tshwenyega ge go etla go ditšhelete le go ya pele ka mokgwa woo. Wa pelo ye botse, mokgethwa yo mobotse, ngwanešu, o direla Bakriste se sengwe le se sengwe, le dilo tše a tsebago mokgwa wa go di dira.

³¹ Gomme ka gona ke rile, “Gomme ka godimo ga tšeō tšohle, ngwanešu yo bohlokwa, ge o be o sa le masomeseswai seswai goba masomeseswai šupa a mengwaga ka bokgale, Modimo, ka mogauing wa Gagwe, o obeleditše fase le go go fa Bophelo bjo Bosafelego go Legae la Legodimong.” O ka kgona go nyaka eng kapa eng go fetiša go dikologa ntle ga bophelo? Ee, mohlomphegi.

³² Gomme go lehumo lohle leo re ka bego re le kgobokeditše, dilo tšohle tšeō re ka go di dira mo lefaseng, ga go kgathale se di lego, se monna a se dirilego, o swanetše go hwa le go tlogela nthathana ye nngwe le ye nngwe ya sona.

Se dume mahumo a lefeela a lefase le,
Ao ka potlako a bolago,
Aga dikholofelo tša gago go dilo tša
Gosafelego,
Di ka se tsoge tša feta!

³³ Yeo ke nnete. *Swarelela Go Seatla Sa Modimo Sa Go Se Fetoge*. Ke rata pina yela. Re be re tlwaetše go opela yeo mo ka tabarenekeleng kudu.

Nako e tletše ka diphetolelo tša lebelo,
Ga go selo sa lefase se sa šuthego se ka emago,
Aga dikholofelo tša gago go dilo tša
Gosafelego,
Swarelela go seatla sa Modimo sa go se fetoge!

³⁴ Fale go robetše mme wa ka wa kgale ntle fale bošegong bjo. Ge nkabe ke na le ditolara tše milione tše lekgolo, ke be ke tla fa peni ye nngwe le ye nngwe ya yona go bolela le yena iri. Ke be ke tla dira. Nnete. Gomme go ka reng ge a be a na le ditolara tše milione tše lekgolo, ke botse bofe e bego e ka mo dira bjale? Ga go selo, le a bona. Tšona dilo tše a nago natšo, ga a tlogele mahumo a lefase. Eupša, o tlogela se, o tseba Morena Jesu bjalo ka Mophološi wa gagwe. Seo ke kgwekgwe ya selo.

³⁵ Ka go sefahlego sa se ke . . . A re tšeeng setoko sa renabeng bošegong bjo. A re nong go nagana pele re eya thapelong, “Boemo bja ka—bja ka bošegong bjo le Modimo bo bjang?” A re hloleng godimo ka dipelong tša rena gomme re hwetšeng. “Morena, ge ke gobaditše soulo e ka ba efe lehono, ge ke hlotše leoto le tee go fapoga, e ka ba eng ke e dirilego goba ke boletšego yeo e bilego phošo, O Modimo, ntshwarele bakeng sa yona.” Le a bona? A nke . . .

Tumelo ya ka e lebelela godimo go Wena,
 Wena Kwana ya Khalibari,
 Mophološi Mokgethwa;
 Bjale nkwe ge ke rapela,
 Tloša molato wa ka wohle,
 Gomme ntumelele go tloga letšatši le
 Go ba wa Gago ka moka!

Ge ke gata tsela leswiswi ya bophelo,
 Gomme manyami go ntokologa a phatlalala,
 Wena eba Mohlahli wa ka;
 Laela leswiswi go fetoga letšatši,
 Phumula dipoiyo ya manyami go tloga,
 Goba o se tsoge wa ntumelela go hlahlatha
 Go tloga go Wena go ya thoko.

³⁶ Mpoloke ka tseleng, Morena. Mpoloke ka bogareng bja thato ya Gago. Baswa goba batšofe, ga re tsebe o ka ba bogolo bjo bokae, gomme go le bjalo o ka no ba o le mengwaga ye masomeseswai ka bokgale, gomme ge o be o phela go fihla mosong, o tla phela go feta mošemane le mosetsana ba bantši ba mengwaga ye lesometshela. Go tla ba bontši bja mošemane le mosetsana ba mengwaga ye lesometshela ba yago go kopana le Modimo pele ga seetša sa letšatši mo mosong. Yeo ke nnete. Kafao lebaka ga le na selo go dira le yona. Selo sa ntshe ke, a o loketše go kopana le Yena? Seo ke kgwekgwe ya selo.

³⁷ A re naganeng ka dilo tše bjale ge re rapela, ge re inamiša dihlogo tša rena.

³⁸ O wa Mogau le yo Mokgethwa le Tate Mohlomphegi wa Bophelo, re tla ka Bogoneng bja Gago, Ramaatlakamoka Modimo, go fa ditebogo go tšwa botebong bja pelo ya rena, gore re na le monyetla wa go dula mo bošegong bjo. Go sepela godimo le tlase sepetleleng sela nakwana ya go feta, le go lebelela ka fale, le batho ba ba bego ba idibetše, ba bangwe ba bona ba tšwa madi gomme ba lla, gomme ba bangwe ba hlakane hlogo gomme ba kgokeletšwe mpeteng, O Modimo, ke a rapela gore yo mongwe le yo mongwe wa bona o komana, Tate, gore ba tla ba komana go kopana le Wena ge ba ka direga go ya ka ntle ga bophelo bjo. Gomme go nagana, Morena, gore yoo a ka ba rena, yo mongwe le yo mongwe wa rena fa, ge eba e be e se bakeng sa mogau wa Gago. Eupša O re dumelotše go phela go tla mmogo gape bošegong bjo, go dira ditokišetšo. Dilo tšela di feta go kgabola dipelo tša rena le menagano bjale, Morena. Gomme ge O sa puruputša dipshio tša pelo ya rena, ge go ka ba selo e ka ba sefe sa ditšila ka rena, Morena, se tloše, Tate. Modimo, gafela disoulo tša rena go Wena.

³⁹ Re a Go leboga bakeng sa tšohle O di dirilego le bakeng sa se re dumelago gore O tla se dira. Gomme bakeng sa Seetša sela se bonagalago lehono tlase fale ka legaeng la Kgaetšedi Bruce, ke a Go leboga bakeng sa seo, Morena, O tla ba fa maatla.

⁴⁰ Gomme bjale, Morena, ke a rapela gore O tla fa bošegong bjo gore disoulo tša rena di lapološwe kgafekgafe ka Bogoneng bja Gago mo ka tabarenekeleng ye. Re a Go leboga, Tate, bakeng sa tabarenekeleng ye. Re a Go leboga bakeng sa modiša wa yona fa, Ngwanešu Neville wa rena, monna wa boikokobetšo, monna wa botshepegi, motho yo a tletšego ka lerato la Modimo bakeng sa Kriste le bakeng sa Kereke ya Gagwe. Ke a rapela gore O tla mo šegofatša, le wa gagwe wa go ratega, molekani yo monnyane, le bana ba gagwe. Gomme, Morena, a nke ba dule botelele magareng ga rena fa mo lefaseng. E fe. Tloša bolwetši go tloga lemating la bona, gomme o ba boloke ba phelegile. Tloša bolwetši go tloga go mabati ohle a rena, Morena, re boloke re phelegile gore re kgone go Go hlankela.

⁴¹ Gomme bjale re bea disoulo tša rena godimo ga aletara, bakeng sa go puruputša bjale, ge ke bula mahlo a ka dinakwaneng di se kae go bala Lentšu la Gago, ge e le thato ya Gago, gomme go le sebaka sa ka bošegong bjo go leka go ngwathela Borotho bja Bophelo go batho. Bjale, Morena, nthuše go bolela se sengwe seo se ka go thuša ye nngwe ya go šokiša, soulo ya go lapa fa bošegong bjo. E thuše gore gape e be mantšu a phošollo, gore re ke re tsebe re itshware bjang renabeng, se re swanetšego go se dira le ka fao re swanetšego go phela ka go lefase le la bjale, ge re letetše go dira Legodimo Legae la rena. E fe, Morena. Gomme fodiša bolwetši. Ge go na le yo a itšego magareng ga rena, Morena, yo a babjago, re a rapela gore O tla bo fodiša. Tiiša bao ba lapilego. Re a ba rapediša.

⁴² Ga re rapediše feela kereke ye, eupša bakeng sa dikereke tše dingwe go kgabaganya lefase ka moka moo thapelo e dirilwego, le dikolomelo pele ga Modimo, gomme bakgethwa ba dipelo tše di swerwego ke tlaba ka bontši bja masomesome a diketekete, “Etla, Morena Jesu, etla!” Oo, ka mnete O tla kwa sello sa rena, Morena, letšatši le lengwe, gomme o tla tla.

⁴³ Ge eba ke sebaka sa rena go robala pele fao go etla, go Tla ke, re a tseba gore phalafala e tla lla gomme bahu ka go Kriste ba tla tsoga pele. Re tla tla pele gomme re tla ema ka Bogoneng bja Gago letšatši le lengwe. Re a Go leboga bakeng sa se, gomme re letile bakeng sa nako yeo, gomme bjale go lokiša dipelo tša rena. Ka gore re e kgopela Leineng la Jesu. Amene.

⁴⁴ Bjale, ga ke letele go bolela botelele kudu bošegong bjo, mohlomongwe metsotso ye masometharo, goba masomenne, godimo ga sehlogo se sennyane fa, gore sa pele ke tla rata go bala Lengwalo le hwetšwago ka go Puku ya Dipesaleme. Dipesalme 105, le go bala go theoga go temana ya 15, go akaretša. Ge ke bala Pesaleme ye, ke nyaka le theetše sekgauswi ka kgonthe go palo ya Lentšu, gobane Lentšu la Modimo le ka se tsoge la šitwa.

*O efang ditebogo go MORENA; bitšang leina la gagwe:
tsebagatšang mediro ya gagwe magareng ga batho.*

Bjale e no naganang ka seo!

...efang ditebogo go MORENA; bitšang leina la gagwe:
tsebagatšang mediro ya gagwe magareng ga batho.

*Mo opeleleng, mo opeleleng dipesaleme: lena bolelang
ka . . . mediro ya gagwe ya go makatša.*

*Lena tagafatšeng ka leina la gagwe le lekgethwa: a
nke dipelo tša bona bao . . . hlalalang bao le nyakago
MORENA.*

*Nyakang MORENA, le maatla a gagwe: nyakang
sefahlego sa gagwe neng le neng.*

*Elelwang mediro ya gagwe ye mebotse yeo a e dirilego;
matete a gagwe, le kahlolo ya gagwe ya molomo wa
gagwe;*

*O lena peu ya Abraham mohlanka wa gagwe, lena
bana ba Jakobo mohlaolwa wa gagwe.*

*Yena ke MORENA Modimo wa rena: dikahlolo tša gagwe
di lefaseng lohle.*

*O ile a gopola kgwerano ya gagwe go ya go ile, lentšu
le a le laetšego go moloko wo sekete.*

*Kgwerano ye a e dirilego le Abraham, le keno ya gagwe
go Isaka;*

*Le go tiušetša ya go swana go Jakobo bakeng sa molao,
le go Israele bakeng sa kgwerano ya go sa felego:*

*A re, Go wena Ke tla go fa naga ya Kanana, kabelo ya
bohwa bja gago:*

*Ge bona bale . . . Ge—ge ba be ba le eupša banna ba se
bakae ka palo; ya, ba se nene kudu, le basetsebje ka go
yona.*

*Ge ba ile pele go tloga setšhabeng go ya go se sengwe,
le go tloga mmušong o tee go ya go wo mongwe . . .*

*Yena ga se a dumelela motho go ba šulafatša: ya, o
kgadile dikgoši bakeng sa bona;*

*A re, Se kgwatheng motlotšwa wa ka, gomme le se dire
baprofeta ba ka bošula.*

⁴⁵ Ke nyaka go tsea thuto go tšwa fao, ya: *Ditlhompho*. Go baleng mo, Dafida a llela ntle go Morena. Ditlhompho ke se re se kolotago Modimo. Gomme seo ke selo se tee seo ke tla se ratago, go kokotela se go pelo ya motho yo mongwe le yo mongwe fa bošegong bjo, gore, ka go dilo tšohle tšeо re di bonago di eya pele, re swanetše go fa ditlhompho go yona. Le a bona, re swanetše go e hlompha. Gomme Dafida o boletše gore ge ba be ba le banna ba se bakae ba Israele, mohlomongwe Abraham, Isaka, le Jakobo, ba a bego a bolela ka bona, banna ba se bakae kudu, gore O kgadile ditšhaba le dikgoši bakeng sa bona. Modimo o

kgadile ditšhaba le dikgoši, a re, “Le se kgwathe motlotšwa wa Ka, gomme le se dire baprofeta ba Ka bošula.”

⁴⁶ Godimo ka go Mmoledi, tema ya 12 le temana ya 13, go ngwadilwe ka mokgwa wo, le a bona.

*A re kweng mafetšo a taba ka moka: Boifa Modimo,
gomme o boloke ditaelo tša gagwe: ka gore wo ke
mošomo wa go tlala wa motho.*

⁴⁷ Mafetšo a taba ka moka ke go “boifa Modimo.” Gomme, mola, o ka se kgone go ba le ditlhompho go fihla o na le poifo. O swanetše go ba le poifo ya Modimo. Salomo o boletše le yena, ka go Diema, gore:

Poifo ya Modimo ke mathomo a bohlale:

Poifo ya Modimo ke mathomo a bohlale:

⁴⁸ Bjale, seo ga se re gore o A mmoifa, eupša seo se ra gore o Mo fa “ditlhompho” le “tlhomphokgolo.” Gomme ge o hlompha Modimo, o boifa Modimo. O boifa gore o ka Mo nyamiša ka tsela ye nngwe, o boifa gore ntle le ge o ka dira se sengwe sa phošo. O ka se nyake go dira.

⁴⁹ Ke boifa mme wa ka. Ke boifa mosadi wa ka—wa ka. Ke boifa kereke ya ka. Ke boifa bahlanka ba Modimo bohole, ntle le ge nka bea kotanatšitišo felotsoko ka tseleng ya bona. Ke—ke boifa batho. Ke boifa batho ba toropokgolo, ntle le ge nka dira se sengwe sa phošo seo se tla ba dirago go nagana gore ke be ke se Mokriste.

⁵⁰ Le a bona, o swanetše, pele o ka ba le ditlhompho, o swanetše go ba le poifo. Gomme Modimo o a e nyaka, O nyaka ditlhompho. Modimo o a dira, O a e nyaka. Gomme poifo e a e tliša. Gomme re a tseba gore poifo e tliša ditlhompho.

⁵¹ Bjale, o tsea mohlala, monna, ke molemi goba mohlomongwe ke mo—mo mošomi lebenkeleng, gomme ga go yo a fago šedi ye e itšego go yena. Eupša a nke a hwetše mošomo go sephodisa gomme a tle go theoga mokgotha, gomme bjalo ka le—le lephodisa a apere petše le yunifomo ya gagwe, (moo, mohlomongwe yo mongwe o be a ka se bolele le yena letšatši pele), “Halo, fao, John! O bjang?” Le a bona? Gobaneng go le? Ke mohuta wa kgagamatšo, goba poifo, goba tlhompho, ka baka la yona. Mohlomongwe o hwetše go kgethwa go ba meyara wa toropokgolo, goba mohlomongwe . . .

⁵² Mopresidente Kennedy a ka ba mang bošegong bjo, ge a be a se Mopresidente Kennedy? Go ka reng ge a be a no ba monna wa go swana a lego, eupša go le bjalo e be e le mošomi yo a šomilego go Colgate tlase mo ditolara tše masomenne ka beke? Le a bona? O be a tla tla go kgabola toropokgolo mo gomme ga go yo a bego a tla mo fa šedi, feela badirišani ba gagwe mong. Eupša, ka gore ke Mopresidente wa United States, o swanela tlhompho, le a bona.

⁵³ Gomme seo, gomme ka baka la gore Modimo ke Modimo, O swanelwa ke tlhompho. Yeo ke nnete. Gomme Yena, re swanetše go Mo hlompha, le go fa poifo go Yena. Gomme seo se tliša tlhompho. Modimo o nyakile seo go Yenamong le go bahlanka ba Gagwe bohle. Modimo o nyaka ditlhompho go bahlanka ba Gagwe. Yena, bahlanka ba Gagwe, ka fao re tsebago gore ke bahlanka ba Gagwe, gobane O hlatsela bahlanka ba ka Lentšu la Gagwe. O tsea bahlanka ba gomme a ba dira bahlanka ba Modimo, le go netefatša gore ke bahlanka, ka go dira Lentšu la Gagwe go šoma ka bona bahlanka. Gona ge o hlompha mohlanka yola, o hlompha Modimo. Kafao ge ke le hlompha le lena le ntlhompho, gomme re hlomphana seng sa ren, gona re hlompha Modimo.

⁵⁴ A Jesu ga se a ke a re, “Bontši bjo le bo direlago ba bannyanyane ba, ba bannyane ba Ka, le se diretše Nna. Gomme go tla ba kaone go wena gore lwala le lekeleditše molaleng wa gago, gomme o ile wa lahlelwa botebong bja lewatle, go feta go kgopiša yo mongwe wa bona. Ka gore Ke re go lena, bonang sefahlego sa bona....Barongwa ba bona ka mehla ba bogela sefahlego sa Tate wa Ka yo a lego Legodimong”? Bjale, re a tseba gore ba, gore ren, re le bana ba Modimo, gore re karolo ya Modimo. Gomme Modimo o nyaka tlhompho ye. Gomme ka gona Modimo o laetša gore bana ba Gagwe ke bomang. O—O e laetša ka dimaka le maswao, le gore e a dirwa.

⁵⁵ Bjale, re ya go thoma bjale le go bitša go potšišo ba bangwe ba batho ba. Bjale, ge ke be ke eya go re, bakeng sa o tee, le go thoma, ke be ke tla nagana ka—ka....A re tšeeng Noage, bakeng sa nakwana. Bjale, Noage o bile le kutollo go tšwa go Modimo, efela e be e le kgahlanong le e ka ba eng seo saense e tla netefatšago go ba therešo. Eupša go le bjalo o be a boletše le Modimo, gomme Modimo o be a boletše le yena. Gomme o ile ka go lokiša areka. Moo, bakweri le dikwero, bjalo ka ge Beibele e boletše gore ba tla ba ka matšatšing a mafelelo go swana le ge ba bile ka go wona matšatši, gore bakweri bale ba kwerile Noage. Gobaneng, ba naganne gore o be a tšwele ka hlogong ya gagwe gobane o be a aga areka. Kafao, eupša Modimo o tlišitše kahlolo godimo ga bona bakweri, gobane ba be ba ka se theetše motseta wa Modimo le go tla ka arekeng ka tlase ga theroy gagwe, morago Modimo o rometše dikahlolo tša Gagwe tše Kgethwa mo lefaseng. Sa pele O dirile tokišetšo bakeng sa bohle ba ba tla e amogelago, go e phonyokga, gomme ka gona ge ba se ba e phonyokga, go ne selo se tee feela se šetšego. Ge ba ka se tsee tokišetšo ya Modimo ya go phonyokga, gona go ne selo se tee feela se šetšego, seo ke kahlolo Kgethwa.

⁵⁶ O ka kgona feela go dira dilo tše pedi, go beya e ka ba kgaogelo goba kahlolo. O swanetše go amogela e tee goba ye nngwe. Moo ke mo re emego bošegong bjo. E ba gore re tsea kgaogelo ya Modimo goba re emela kahlolo ya Gagwe. Fao go

no se be tsela ya go ya go e dikologa. Modimo ka mehla o dira tsela ya go phonyokga go bao ba nyakago go phonyokga. Gona O swanetše... Se se šetšego, se swanetše go emela kahlolo. E sego ka gobane Modimo o ba nyaka ba dira, eupša ka gobane ba kgethile ka tsela yeo bonabeng. Le a bona, ba dira kgethlo ya bona beng. Moo ke mo re emego bošegong bjo, bagwera, selo sa go swana. Re ka kgona e ka ba go tsea tsela ya Modimo ya go phonyokga, goba re ka kgona go emela dikahlolo tša Gagwe, e tee re nyakago go e dira. A ga la thaba bošegong bjo gore le tšere tsela ya go phonyokga? Gobane, bohole ba ba ganago tsela ya go phonyokga, ba tla swanela go tla ka tlase ga kahlolo.

⁵⁷ Ka gona fao go na le monna yo mongwe ke nyakago go bolela ka yena. Fao go be go le yo mogolo, yo maatla moprefeta ka leina la Moshe. Batho (Israele) ba ka be ba kwešišitše, go ya ka Lengwalo, gore Modimo o be a eya go ba lokolla gomme o be a eya go ba ntšha ka Egepeta. Eupša ka pela ge Modimo a beile monna wa Gagwe komana le go mo romela tlase ka Egepeta, ga se ba be le ditlhompho go yena. Ba mo raketše ntle, gomme ba rile, "A o tla re bolaya bjalo ka ge o dirile Moegepeta?" ye e ba dirilego go dula bokgobeng mengwaga ye masomenne ya tlaleletše. Ba dutše bokgobeng gobane ba ganne go hlompha molokolli yoo a tliego go ba lokolla. Seo se ba beile morago ditlemong gape. E sego gobane Modimo o ba nyakile go dula, (nako e be e nepile tlwa), eupša ba dutše mengwaga ye masomenne godimo ka gobane ba ganne go amogela tsela ye e filwego ke Modimo ya go phonyokga.

⁵⁸ Ke dumela bjang gore seo ke se e lego taba bošegong bjo. Selo sa go swana, le a bona.

⁵⁹ Gore ba ganne tsela ntle, gomme Modimo o be a ikemišeditše, gomme o boditše Abraham le bona ka go kgwerano ya Gagwe (ge re bala Dafida a opela ka yona bošegong bjo), O be a ba tshepišitše gore O be a eya go dira selo se se itšego, kafao Modimo o ya go boloka tshepišo ya Gagwe. O be a eya go ba ntšha, go le bjalo, eupša mohlomongwe e nyakile go ba moloko wo mongwe o hwile. Moloko wa kgale wo o segilego Moshe, le go ya pele, gomme ga se wa amogela Molaetsa, moloko wola (mengwaga ye masomenne) o hwile, gomme Moshe o tla ka go moloko wo mongwe. Le bona se ke se rago? Ge ba sa e amogelete, gona Modimo o tla dira moloko wola go hwa gomme O tla tliša moloko wo mongwe ka gare go e dira. Kafao, ba be ba o ganne. Gomme ka gona re hwetša ntle, moloko wo wa go latela wo o tlago godimo, ge Moshe a ile tlase kua go itlhatsela yenamong...

⁶⁰ Le a tseba, Moshe o be a tšhogile go ya tlase gape. Moshe o be a le mengwaga ye masomeseswai ka bokgale bjale, gomme o be a ile mengwaga ye masomenne. Gomme ge a boletše le Modimo sethokgweng se se tukago, o rile, "Ke tla ba botša ke mang a nthomilego?" Modimo ga se a be le leina. O rile, "Ke tla ba botša ke mang yo a nthomilego?" O rile, "Ge ke re, 'Modimo

wa botataweno o bonagetše go nna,’ ba tla re, ‘Modimo wa botatawešo ke mang?’ Gabotse, ke tla ba botša eng?’

⁶¹ O rile, “O ba botše gore ‘KE NNA YO A LEGO GONA.’ O ba botša gore ‘KE NNA YO A LEGO GONA.’” Gomme O rile, “Ke eng seo ka seatleng sa gago, Moshe?”

⁶² O rile, “Lepara.” Gomme o le lahletše fase gomme la fetoga sephente. Gomme o beile seatla sa gagwe lehwafeng la gagwe, le fetogile lephera; gomme le boetše morago, gomme le fodile.

⁶³ O rile, “Eya tlase, gomme o tsee maswao a le go a dira pele ga batho, gomme e tla ba ponagatšo. Ba tla tseba ka maswao a gore Ke go rometšego bakeng sa khunologo.” Oo, ngwanešu! Modimo ka mehla o dira seo. Modimo ka mehla o fa maswao a kagodimogatlhago. Le a bona?

⁶⁴ Gomme bjale ge a tlide tlase le go bitša batho, le go dira maswao a gagwe pele ga bona, Israele yohle e dumetše, yo mongwe le yo mongwe wa bona. Gomme ba ile thwi go otloga paleising, le bona, bakeng sa khunologo. Gomme ka gona Farao o tsere sephetho gore o be a ka se ba fe khunologo, gomme Modimo o tlemolotše kahlolo go Farao. Gomme re tseba se se diregilego ka Egepeta.

⁶⁵ Go a tlaba, ka morago ga ge ba bone maswao ale ohle a direga, gomme morago ba tla go Lewatle le Lehubedu, le go hwetša gore yena Modimo yoo a dirilego maswao ale ohle, mo ka Lewatleng le Lehubedu, ba kamakile Modimo, sona selo sa pele, gore O be a kgona go dira tsela ya go phonyokga.

⁶⁶ Bjale, fao ke mo re dirago phošo ya rena. Ge bolwetši bjo bonnyane bo re ratha, ge masetlapelo a mannyane, goba bothata bjo bonnyane bo ratha felotsoko ka tseleng, gona re ya go wa. Mosokologi yo moswa; yo mongwe o tla dira metlae ka yena, a re, “Gabotse, ga o selo eupša mopshikologimokgethwa.”

⁶⁷ “Gabotse, ke hloya go bitšwa mopshikologimokgethwa.” Le a bona, le a bona, ke lena bao, le hwetša pelaelo yeo.

⁶⁸ Yeo ke nako ya go ema kua! Yeo ke nako ya go, hlompha motseta. Yeo ke nako go—go fa letago go Modimo.

⁶⁹ Gomme Moshe o rile, “Ke dirile tše, ke šetše, mehlolo ye lesome pele ga lena. Gomme Modimo o le file mehlolo ye lesome, gomme ka gona le boifa lewatle. Nnete. Go kaakang bontši go tla le tseelago go dumela?” O sepeletše morago, gomme o tsere lepara la gagwe gomme o le swere pele ga lewatle, gomme madimo a tlide fase gomme a e budulela go kgabaganya ka lehlakoreng le lengwe, gomme ba ile go kgabaganya. Gomme ka pela ge ba fihlile godimo kua, ka pela ba thoma go ipelaetša ba be ba se ne borotho. Le a bona, feela selo sa go swana. Ka gona Modimo o nešitše borotho go tšwa magodimong bakeng sa bona. Ka gona ba hweditše gore ba be ba se na le meetse, gomme go

no belaela mo go tee ka morago ga go gongwe. Gomme ke ela hloko . . .

⁷⁰ Le re, “Gabotse, mohlomongwe ba be ba le mohuta wa go se sokologe.” Gabotse, mohlomongwe ba be ba le. Go bile le lešaba la go hlakana le ilego le bona, therešo.

⁷¹ Eupša ke nyaka go tliša selo se sengwe ka go go gopola ga lena—ga lena. Ge Modimo a rometše motseta, le go hlatselwa, ka maswao, gore o be a le motseta a rometšwe go tšwa go Modimo, gona go tšwa go bona go obamela motseta yo. Tlwa. Ba swanetše go obamela motseta le go ba le dithhompho go motseta yola. Lebelelang Joshua le Kalebe, ba dutše thwi lehlakoreng la gagwe. Ee, mohlomphegi. E ka ba eng Moshe a bego a le ka go yona, ba be ba le ka go yona, le bona. Ge eba Moshe o be a nepile goba phošo, ba dutše thwi le yena, go le bjalo, le a bona, ka gore ba tsebile gore e be e le motseta wa Modimo.

⁷² Gomme fao, letšatši le lengwe, re hwetša gore le Miriamo, moprefetagadi, le Arone, moprista yo mogolo, o dirile metlae ka mosadi wa Moshe gobane o be a le Moethiopia, le go gopola, “A go be go se basadi ba go lekanela ba sehlopha sa rena beng, go nyala, sebakeng sa go ya tlase fale le go nyala mosadi yola?” Yeo e be e se kgetho ya Moshe; yeo e be e le kgetho ya Modimo go Moshe. Gomme ge ba dirile metlae ka yona, sela se befedišitše Modimo ka tsela yela go fihla A ratha Miriamo, moprefetagadi, a tletše lephera, kgaetšedi wa Moshe. Go reng ka seo? Ÿena, moprefetagadi, eupša o be a dira eng? O be a dira metlae le go hloka tlhompho go motseta wa Modimo, motseta wa kgwerano ya letšatši leo. Gomme o be a hloka tlhomphokgolo. Gomme gape Arone, moprista yo mogolo, sona seboleledi sa Moshe, nnete, o be a ne yena.

⁷³ Gomme Arone nako yeo, ge a bone kgaetšedi wa gagwe a rathilwe ka lephera, o ile ka gare le go botša Moshe, “A o ka dumelela kgaetšedi wa gago mong go hwa?”

⁷⁴ Gomme Moshe o ile ka tabarenekeleng gomme a wa pele ga Morena, gomme a thoma go lla le go bitša Modimo, kgaogelo go kgaetšedi wa gagwe. Gomme Moya wa Morena o theogetše tlase gomme o rile, “Bitša Arone le Miriamo go ema fa pele ga Ka.” Oo, nna!

⁷⁵ Modimo o nyaka ditlhompho! Modimo o romela Molaetša wa Gagwe, le a O theetša gomme le a O hlompha. Ga go kgathale ge ba O bitša sehlopha sa bapshikologibakgethwā, goba e ka ba eng ba O bitšago; a lefase le dire se ba nyakago go se dira. Eupša le fa ditlhompho!

⁷⁶ Kafao, fao go eme Miriamo. Modimo o rile, “Bitša Miriamo gomme o bitše Moshe . . . goba bitša Arone mo, ngwaneno le kgaetšedi, go ema pele ga Ka.”

⁷⁷ Gomme ge ba etla ka gare pele ga Modimo, Modimo o rile, “A ga le boife Modimo?” O boletše seo go moprista yo mogolo

le go Miriamo moprofetagadi. O rile, “Ge go ka ba le yo itšego, motho magareng ga lena, yo a lego wa semoya goba moprofeta, Nna Morena ke tla itsebiša Nnamong go yena. Ke tla bolela le yena ka dipono le go ikutolla Nnamong ka ditoro go yena, le go ya pele, ge a le wa semoya goba moprofeta.” Eupša o rile, “Mohlanka wa ka Moshe, ke bolela molomo le tsebe le yena.” O rile, “A ga le boife Modimo?” Ka mantšu a mangwe, “Le bolela ka Moshe, le bolela ka Nna. Ge le sa kgone go hlompha Moshe, ga le Ntlhompho.” O rile, “A Nna ga ka netefatša magareng ga lena gore ke mohlanka wa Ka? Gomme ga le na tlhomphokgolo go yena le gannyane.”

⁷⁸ Se seo e tla bago thuto go batho ba letšatši le, ga go tlhompho, ga go tlhompho!

⁷⁹ Bjale O rile, “Gomme ka gobane ga se le dire seo, ke ka lebaka leo o nago le lephera. Ke ka lebaka leo dilo tše di ilego,” o rile, “gobane le be le swanetše go tseba gore yo e be e le mohlanka wa Ka. Le a e tseba, kafao ge le bolela se sengwe kgahlanong le yena le se bolela kgahlanong le Nna.”

⁸⁰ Kafao Moshe o rapeletše bophelo bja gagwe go bolokwa, gomme Modimo o bolokile bophelo bja gagwe. Ga se a phela botelele kudu morago ga fao, o hwile. Eupša o ile a hlwekišwa ka lephera la gagwe, gomme o be a le ka ntše ga kampa matšatši a šupa, le a tseba, go yena... go beng le lona, bakeng sa tlhwekišo, go itlhwekiša yenamong gape go tšwa go lephera la gagwe. Modimo o mo fodišitše.

⁸¹ Eupša se A bego a leka go se tlša go bona, e be e le se, “Le swanetše go hlompha se Ke se dirago.”

⁸² Gomme ge woo e be e le mokgwatebelelo wa Modimo mo letšatsing lela, gomme Modimo a ka se fetoge, Modimo o nyaka re hlomphe se A se dirago. O a e nyaka. O rile, “E ba gore o hlompha seo goba se sengwe gape se ya go direga.”

⁸³ Monna o mpoditše letšatši le lengwe, o rile ke... Monna wa go šokiša, o swielela godimo mo ka mmarakeng, bakeng sa go iphediša. O bile le go phuhlama, ka go sebopego se sebe kudu. Ke Molutheran ka tumelo, gomme ba bile le selalelo. Ga a kgone kudu go sepela go ya kerekeng, kafao o tšere kolointefe. O re go turetše disente tše masomeseswai go ya tlase le disente tše masomeseswai go tla morago. Moagišani wa gagwe, mohlokamodimo kudu, o mmone a rapela Thapelo ya Morena mosong wo mongwe, gomme o mo segile, o dirile metlæe ka yena. O rile go moagišani yo, o rile go monna yo, o rile, “O ile kae ka kolointefe mosong wo?”

O rile, “E be e le selalelo. Ke ile tlase kerekeng.”

O rile, “Selalelo ke eng?”

O rile, “Ge re tšea borotho le beine.”

⁸⁴ O rile, “Ke bile le sa ka, le nna, mosong wo mo tafoleng, ka selai sa borotho bjo bohwefo le phaente ya wisiki.” Le a bona?

⁸⁵ Ke tseba bašemane ba bararo, nako ye nngwe, bao ba kwerilego selalelo ka kerekeng, ke tseba ka bona. Gomme ba ile godimo ka ka—ka kamoreng ya hotele le go hwetša disangwetše tša ham le lebotlelo la wisiki, gomme ba bile le selalelo sa bona godimo fale, ba dira metlae ka selalelo ba biledgo le sona ka go kereke ya Pentecostal. Bonnyane go feta dikgwedi tše tharo go tloga nako yeo, boraro bjohle bo be bo swanetše go... yo motee wa bona o be a hwile, gomme ba babedi ba be ba le lefelong la digafa.

⁸⁶ O ka se kgone go hlompholla Modimo! O swanetše go hlompha Modimo. Ge o sa e dumele, e no homola, e ba kgole le yona. Goba, e ba gore o dira seo, goba o tla ka tlhomphokgolo le go e hlompha. Le se ke la dira metlae ka batho ka Moya. Le se ke la bolela ka batho ba ba rapelago ka Moya wa Modimo. Ba tlogeleng ba nnoši.

⁸⁷ Ke be ke eme thwi fale mo khoneng, ke rera, mengwaga tsoko ya go feta, bjalo ka moreri wa mošemane. Gomme go bile le mosadi a tlidego kgauswi, o be a le Mokatoliki ka tumelo; eupša ke tsebile monna wa gagwe—wa gagwe o be a le Mokatoliki, o be a se selo. Gomme yo mobotse kudu, mosadi yo mobotse, wa go lebelelega botse, a ka ba mengwaga ye masomepedi ka bokgale, masomepedi pedi. Ke mo tsebile bjalo ka mosetsana fa ka toropongkgolo. Gomme o tlie kgauswi le go ema fale, gomme o rile, “Nka se lese kgomo ya ka e ka ba le bodumedi bjoo William Branham a nago bjona.”

⁸⁸ Gomme bošego bjo bo latelago, pele nka kgona go fihla go yena, ke kwele gore o be a ehwa ka sepetlele, gomme ga ke tsebe le bjale se se mmolailego. O be a ehwa ntłe kua ka sepetlele, gomme monnamogatša wa gagwe a tla go ntšea. A re... O be a le Mokatoliki. Gomme a tla, a re, “Etla ka pela gomme o bolele thapelo bakeng sa mosadimogatša wa ka, o be a go bitsa mantšiboa ohle, o a hwa.”

⁸⁹ Gabotse, ke rile, “Ke tla ya.” Gomme ke tsene ka koloing le go tlogela kopano, gomme ka thoma go ya sepetlele. Gomme ka kitimela godimo ga materapo, ka kopana le mooki, gomme a re, “O šetše a hwile.”

Gomme o rile, “Etla, bolela thapelo bakeng sa gagwe, go le bjalo.”

Ke rile, “O hwile.”

O rile, “Bolela thapelo, go le bjalo.”

“E ka se ba dire botse bjo bo itšego bjale.”

O rile, “Gabotse, etla o mo lebelele.”

⁹⁰ Gomme ke ile tlase. O be a na le boso bjola bjo bohubedu, ke a dumela ba a bitša, moriri wa go nopela. Mosadi yo mobotse kudu,

maronthwana go kgabaganya sefahlego sa gagwe mo, ka mahlo a magolo a matsothwa. "Gomme mosadi yola," mooki yola o rile, "Billy, o hwile ka mahloko a mabjalo go fihla a goaleditše ntle leina la gago kudu ka fao a kgonnego, gomme o rile, 'Mmotše a ntebalele,' go fihla maronthwana a eme ntle godimo ga sefahlego sa gagwe bjalo ka ditlhokofele." Gomme mahlo ale a magolo a be a tšwile gomme dintšhi tša mahlo tša gagwe di be di tswaletše seripa godimo ga ona. Nnete, le tseba se se diregago ge motho a ehwa, bobedi pshio le mala a bona a a sepela, gomme o be a le fao a no phophoma gohle. Gomme o hwile ka go mahloko a mabjalo gobane . . . e sego ka gobane o be a nnyaditše, eupša o nyaditše Ebangedi ye ke bego ke e rera, le gore Modimo o be a dira maswao le matete.

⁹¹ Nako ye nngwe ya go feta ka New Albany, ge ke be ke eme fale ke bolela le modiradibe, ke mo hlahlela go Kriste, monna yo mogolo wa go tšofala wa seatla sa makgwakgwa ka karatšheng, monna e be e le mogwera wa ka, mokgonyana wa gagwe o be a laola karatšhe mojako wo o latelago. Ke be ke eme kua ke rera ka iri ya matena, ke ejaa sangwetše le go bolela le yena ka Modimo. Go kgabola nako ya mosegare ke tla hwetša felotsoko moo nka kgonago go ya nakong ya matena le go leka go thopela soulo go Kriste. O rile, "Mna. Branham," o boletše. Ke be ke sa no ba moreri wa mošemane, nnamong. O rile, "Mna. Branham," o rile, "mme wa ka o bile le mohuta wola wa bodumedi, bodumedi bjola bja go kwewa ka pelo." Gomme megokgo e be e keleketa go theoga marama a gagwe.

Ke rile, "Ke bottelele gakaakang a ile?"

O rile, "Mengwaga. Ka mehla o nthapeletše."

⁹² Ke rile, "Modimo yo a kwelego dithapelotša gagwe o leka go di arabela thwi bjale bakeng sa gagwe."

⁹³ Gomme monna yo o sepeletše ka fale, o rile, "Halo." O be a tagilwe. O rile, "Hei, Billy, theetsa." O rile, "Nako efe kapa efe o nyakago go tla godimo go karatšhe ya ka," o rile, "o a tla, eupša," o rile, "o se tliše bodumedi bjola bja kgale bja bopshikologibokgethwa bja gago godimo fale."

⁹⁴ Ke ile ka retologa gomme ka mo lebelela, ka re, "Kae kapa kae mo Kriste a sego a amogelwa, nka se be gona."

⁹⁵ Gomme kafao o retologile go dikologa gomme o rile, "Aa, etla kgauuswi le wenamong, mošemane!"

⁹⁶ Gomme ke nno kwa ka pelong ya ka, Segalontšu se re, "O buna se o se bjetšego. Go tla ba kaonana go wena gore lwala le lekeletše molaleng wa gago, gomme wa nweletšwa go mabotebong a lewatle." Gomme mokgonyana wa gagwe mong, wona morago ga sekgailela seo sa go swana, a mo gata ka theraka ya ditone tše pedi ya Chevrolet e rwele, gomme ya mo šilaganya fase ka mobung.

⁹⁷ Le a bona, o swanetše go hlompha Modimo. O swanetše go dira, wena . . . Modimo o nyaka ditlhompho, gomme O a e nyaka.

⁹⁸ Gomme kafao Miriamo o be a swanetše go tseba bokaonana. Kafao Mo- . . . Arone o swanetše go tseba bokaonana, go feta go tseba se, gore Moshe o be a hlahlwa ke Moya wa Modimo go dira se a bego a eya go se dira.

⁹⁹ Modiredi wa Baptist o nngwaletše lengwalo matsatsi a se makae a go feta, go tšwa godimo fa. Oo, ge a se a ke a nkgogola godimo ga malahla! O rile, “Mothaka yo a tšwafago bjalo ka ge o le! Bodiredi bjo bo bego bo tla lekana le Eliya, baprofeta,” o rile, “gomme ka gona go go bona o dutše tikologong ya gae, o sa dire selo!”

¹⁰⁰ Kafao Billy o dira bjalo ka mongwaledi nakong yeo, o mo ngwaletše lengwalo morago. Gomme ka gona a gopola, “Go lokile, ke a dumela ke tla no mo araba,” a rialo. Eupša o naganne bokaone a nke ke le bale pele a le araba. Eupša le bile le bontši bja bodiplomata ka go lona. O rile, “Bjale, yo ga se papa wa ka, yo ke nna.” O rile, “O sa tšo bolela gore papa o bile le bodiredi boka bjola bja Eliya.” Gomme o rile, “O rile o dutše fase godimo ga leši la nokana felotsoko, ka kota ya go thea dihlapi ka seatleng sa gagwe, goba godimo ka dithabeng, ka raborolo ka seatleng sa gagwe.” O rile, “O tla reng ka Eliya ge a dutše mengwaga ye meraro ka lehlakoreng la noka?” O rile, “A ga o tsebe gore ba hlahlwa ke Moya wa Modimo go dira se ba se dirago?” Le a bona, yo mongwe le yo mongwe o nyaka go e sepetsa ka tsela ya bona beng. Eupša motho o swanetše go hlahlwa ke Moya wa Modimo, gomme o swanetše go e fa tlhompho. Yeo ke phetho.

¹⁰¹ Mo letšatši le lengwe, soulo ye bohlokwa, mo ka toropongkgolo, ke bone ngwanešu yo mongwe, o rile, “Bill o kae?”

O rile, “O ile godimo ka Canada.”

O rile, “Ke a thanka go ya go tsoma?”

O rile, “Ee, o ya go tsoma.”

O rile, “Aa, ditšiebadimo go dilo tše bjalo!”

¹⁰² Go lokile, monna yola, a sa tsebe gore ke be ke le ka tlase ga maatla a Moya wo Mokgethwa, ka pono ya O RIALO MORENA, go ya. O tla dira eng ka Letšatši la Kahlolo? Ke botse bofe e tla bo dirago, go nna go ya lehlakoreng la malao a monna yola le go mo rapelela? Lefelo la pele, ga a ntumele. Gomme batho, ge ba etla go dikologa le go bolela dilo tše, boka ga ke tsebe gore ga ba E dumele. Le ge ba go phaphatha ka magetleng gomme ba go bitša “ngwanešu,” go le bjalo o a tseba gore ga ba E dumele. Le a bona? Ga ba E dumele. Gomme o ka kgona go ba . . . Ga go selo se tee o ka kgonago go ba direla sona. Ba tla go bitša, “etla o rapele,” eupša ga e dire botse bjo bo itšego. Ka gore, le a bona, ba a E nyatša. Le swanetše go E dumela. Setšang bao ba ilego,

ka kgontha ba dumela le go šetša se se diregago. Le a bona, o swanetše go E hlompha.

¹⁰³ Isebele, ka matšatšing a Eliya, kafao a nyaditšego Eliya! Kafao a . . . Eliya gabotse e be e le modiša wa gagwe. Nnete. Oo, o be a ka se amogelete seo. Bobotse, aowa! O be a le—o be a le moganamodimo, goba mohlokamodimo, goba—goba morapelaseswantšho. Gomme o be a na le baprista ba gagwe mong ba bohetene. Eupša go le bjalo Eliya e be e le modiša wa gagwe, Modimo o mo rometše kua go ba modiša. O be a le modiša ge eba . . . Ge a mo kgakgamolotše ntle le go mmotša dibe tša gagwe tšohle, efela o be a le modiša wa gagwe. O be a ka se e amogelete le gatee, eupša, gomme o mo nyaditše. O mo hloile! Nnete, o dirile. Gomme go diregile eng go yena? Modimo o dumeletše dimpša go mo ja mokgotheng. Yeo ke nnete. Ka lebaka la eng? O nyaditše Molaetša wo Eliya a bego a o rera.

¹⁰⁴ Modimo o nyaka ditlhompho. O swanetše go ba le yona. O ka tsoghe wa hwetša e ka ba eng go tšwa go Modimo, o ya go hlompha Modimo. Gomme o swanetše go e dira go tšwa pelong ya gago, botlase bja pelo ya gago. O swanetše go e dira.

¹⁰⁵ Eupša o nyaditše Modimo ge a nyatšiša moprefeta wa Gagwe. Bjale, o tsebile Eliya o be a le moprefeta. Ba be ba se na le selo ka Israele se bego se ka kgona go phenkgišana le Eliya. Gobaneng, dipono tša gagwe le se sengwe le se sengwe di be di phethagetše pele ga Modimo. Gomme o, eupša o ba ahlotše. Kgaogelo, ee! O be a tla ya go kerekeleina ye nngwe le ye nngwe, se sengwe le se sengwe gape. Gomme se sengwe le se sengwe seo se bitšwago sebe, o se ahlotše, go tloga go yo monyennyane go ya go yo mogologolo, kgoši le bohole, ga se a goga mehlatloša e ka ba efe bakeng sa le o tee wa bona. Eupša ba be ba swanetše go tseba o be a le moprefeta. Ba be ba no se kgone go tlogela go tseba seo. Ee, mohlomphegi.

¹⁰⁶ Le Ahaba o lekile go mo phara bakeng sa komelelo. Gomme o ile a rapela Modimo go romela komelelo. Ee, o dirile. Gomme o rile, “Ke na le maatla gomme ke tla tswalela magodimo; ebile e ka se ne, goba phoka e ka se we, go fihla ke e bitša.”

¹⁰⁷ A o ka eleletše Isebele yola yo monnyane ka sefahlego sela sa go pentwa godimo, a gatela godimo le fase lebatong lela, “Moikaketši yola wa kgale! Moikaketši yola wa kgale, a hlolela bana ba bannyane bohole ntle mo go tlaišega,” le bohole ka mokgwa woo. Eliya o be a leka go ba tliša morago go Modimo, a leka go thopela setšhaba morago go Modimo. Le a bona? Gomme go be go lebega o ka re . . . O be a ka kgona go botša batho, “Le nyaka go mpotša gore le tla dumela go monna wa go swana le yoo, yoo a ka tswalelago dinaga ka mokgwa wo, gomme ebile e ka se ne pula goba phoka? Gomme boikaketši bjohle bja gagwe goba boloi bja gagwe ntle fale,” e ka ba eng a nyakilego go e bitša. “Gomme ga se yena selo eupša feela mo—mo moloi goba mmolellabokamoso,

goba se sengwe. O tswaletše magodimo gomme e ka se ne, go dira batho ba bohle go tlaišega. Gomme le re gona yeo ke thato ya Modimo?”

¹⁰⁸ E be e le thato ya Modimo! Ga go kgathale eng, le a bona, o swanetše go lebelela go se . . . O swanetše go hlompha Modimo go sa kgathale se A se dirago. O tseba se A se dirago. Ba be ba lebega bobe, bana ba tlaišega, batho ba a tlaišega, dinku di a hwa, go se meetse felo, mašego a be a fiša le go kgamiša, letšatši le be le phadima bjalo ka mphiri mo lefaufaung go kgabola nako ya mosegare, lebaka la mengwaga ye meraro le dikgwedi tše tshela. Gomme Eliya a dutše godimo ga thaba, o rile, “Le phoka e ka se we go fihla ke bitša go tšwa go yona.” Yeo ke nnete. Oo, ka fao ba mo hloilego!

¹⁰⁹ Gomme ge yena, Ahaba, a mo hwetša, a re, “Ke wena yo a ferehlago Israele, a ke wena?”

¹¹⁰ Eliya wa kgale o lebeletše morago ka sefahlegong sa gagwe, o rile, “Aowa, e sego nna, eupša ke wena yo a ferehlago Israele.” Yeo ke nnete. Le a bona, ebole le Ahaba ga se a be le ditlhompho go yena. Gomme le tseba se Eliya a boditšego Ahaba, o rile, “Gobane o tšholotše madi a go hloka molato a Nabote, kafao dimpša di tla latswa madi a gago, le wena, mo mokgotheng.” Gomme ba dirile! Ka gobane ba nyenyefaditše motseta wa Modimo. Yeo ke nnete tlwa. Ba e hlokomologie.

Bjale, Miriamo o e nyaditše. Arone o e nyaditše.

¹¹¹ Ga go kgathale o mang, Mokriste goba ga o Mokriste, o swanetše go fela o sa tliša ditlhompho go Modimo, le go hlompha se A se dirago, goba go tlaišega ditlamorago. E ka ba gore o a e amogela goba o ya ka kahlolong, e ka ba e tee o nyakago.

¹¹² Ka fao nka kgonago go ema le bopaki, bakeng sa iri morago ga iri, ya se ke se bonego ka nakong ya bophelo bja ka, se ke se bonego ka go dinaga tše dingwe le dikarolo tše dingwe tša ditšhaba, le go ya pele, dilo tše di diregilego. Eupša go tlogela seo, feela gore le hwetše kgo—kgo kgopolو ya se ke lekago go se bolela go lena, le swanetše go se hlompha. Ke bone batho ba baswa ba dula ka kopanong, gomme ba khwakhwaela le go sega ka kopanong, gomme, bonnyane go feta diiri tše masomepedi nne, ba pšhatlaganywa ka mekgotheng. Ke bone batho ba baswa ba dula ka kopanong, ka ngwaga o tee ge ke be ke le lefelong, gomme go latela, mohlomongwe mo dikgweding tše tshela, go ya morago go lefelo la go swana, gomme ka kgonagalo yo mongwe le yo mongwe wa bona o be a ile, goba a lobaiwa, go rathelwa felotsoko, ka malwetsi le dilo. Yeo ke nnete. O swanetše go e hlompha.

¹¹³ Le elelwa mosetsana tsoko yo moswa bošego bjo bongwe, Tennessee, ge ke be ke eya ka ntle ga mojako, ke rera kerekeng ye kgolo ya Baptist, ke be ke etšwa ka mojako. Gomme ke ikwetše ke hlahlwa bošegong bjoo go mmitša go tla go Kriste. Gabotse,

o segile sefahlegong sa ka ge ke mmiditše go tla go Kriste. O diregile go ba yo mongwe wa barwedi ba motikone. Gomme a eme mojako bošego bjoo, o ile a ntetela. Gomme ka tšwela ka ntle, a re, “Ke nyaka gore o tsebe se sengwe thwi bjale, o se ke wa tsoge wa ntlhabiša dihlong ka mokgwa woo gape.”

Ke rile, “Modimo o be a go bitša.”

¹¹⁴ A re, “Ditšiebadimo! Ke nna yo moswa,” a re, “ke na le nako ye ntši ya seo.” O rile, “Papa wa ka o na le bodumedi bja go lekanelo bja rena bohole kua gae.”

¹¹⁵ Ke rile, “E sego go lekanelo go wena, kgaetšedi, yo mongwe le yo mongwe o swanetše go ba le bodumedi bja bona beng.”

¹¹⁶ O rile, “Ge ke nyaka e ka ba mang go bolela le nna ka seo, ke tla hwetša yo mongwe yo a nago le tlhaologanyo, e sego yo mongwe go swana le wena.”

¹¹⁷ Ke rile, “Sepela, bolela se o ratago go se bolela. Ga o ntshwenye, eupša letšatši le lengwe o tla itshola.”

¹¹⁸ E sego bottelele ka morago ga fao, ke fetile go kgabola toropokgolo ya go swana. So o tla go theoga mokgotha le dikhethé tša gagwe tša ka fase di lekeletše fase, a nyokanyoka ka sekerete ka seatleng sa gagwe, gomme a mpha seno sa wisiki. Selo sa go swana! Gomme bopaki bja gagwe šebo, o rile, “A o elelwa bošego bjo o biditšego kua?” O rile, “Yela e be e le therešo.” O rile, “Moya wa Modimo o be o paka go nna bošegong bjola, o leka go ntira ke tle.” Gomme o rile, “Ge e sa le go tloga nako yeo ke kgonne go bona soulo ya mme wa ka e gadikega ka heleng boka panekuku, le go e sega.” Seo ke se se diregilego, le a bona.

¹¹⁹ O swanetše go hlompha Modimo. Seo ke sohle. O swanetše go e dira, ngwanešu. Yeo ke phetho. Isebele o e hlokonomologie.

¹²⁰ Gomme elelwang nako ye nngwe, go be go le bana tsoko ba go hloka tlhomphokgolo, ba be ba godišeditšwe ka gae.

¹²¹ Eliya, ka morago ga matšatši a gagwe, ka nneta, batho ba mo hloile gobane o biditše tlala yela ka nageng. Go be go le batho ba bangwe bao ba rutilego bana ba bona gore “Eliya, motho wa go swana le yoo,” o fetoletšwe le go tšeelwa ka Legodimong. “O bolailwe felotsoko, gomme ba nno mmoloka le go mo uta.” Ga—ga se ba e dumela.

¹²² Kafao Elisa o tšere lefelo la gagwe, bjale o be a le motseta wa letšatši bjale morago ga ge Eliya a tšeetswe godimo. Kafao o fetile tlase go kgabola toropokgolo ye e itšego, gomme bana, bana ba bannyane ba toropokgolo yela, ba kitimetše ntle, ba dira metlae ka yena, ba re, “E re, wena wa ralefatla wa go tšofala, gobaneng o sa ya godimo go swana le ka fao Eliya a dirilego?” Le a bona, ga se ba dumela Eliya o ile godimo. Šeo yona. E be e se go nyatša motho; e be e le go nyatša Molaetša wa gagwe. O be a le mohlatlama Elisa . . . go Eliya. O be a na le tlotšo, moyo wa

Eliya o be o le godimo ga gagwe. O ile thwi godimo kua le go dira tšona dilo tša go swana tše Eliya a di dirilego. Haleluya!

¹²³ Jesu o rile, “Yo a dumelago go Nna, mediro ye Ke e dirago o tla e dira le yena.” Ee. “Maswao a a tla latela bona ba ba dumelago.”

¹²⁴ Ba e nyaditše. Gomme ba nyadiša Eliya gobane o dumetše go Elisa, gobane Moya o be o le godimo ga gagwe. Gomme o retologile go dikologa le go itia Jorodane ka kobo ya gagwe, le go bula Jorodane, o ile godimo le go dira mohuta wa go swana wa mehlolo yeo Eliya a e dirilego. Gomme le bareri bohle godimo kua ka sekolong sa baprofeta, o rile, “Moya wa Eliya o khutša godimo ga Elisa,” ba dira lešata mošola ka nageng.

¹²⁵ Gomme batho, ke a petša ba segane seng sa bona, ba rile, “Hei, hei, e lebelele!” Ba re, “Sehlopha sela sa bapshikologibakgethwa, mahlanya, ba re, ‘Monna yola o ile Legodimong ntle le go hwa, dipere di theogile.’ Ga se re bone le ge e ka ba efe.” Ka kgonthe ga se ba ke. Ka kgonthe aowa, ga se ba ke. “Ga se re bone dipere tše itšego. Ga se re kwe dikoloi tše itšego e ka ba kae. Ditšiebadimo! Moisa wa kgale o hwile gomme ba mmoloka, gomme gona ba leka go dira bontši bja go dira godimo ga yona.”

Go no swana le ge ba ka bolela lehono, selo sa go swana!

¹²⁶ Boka ba boletše ka Jesu, ba rile, “Gobaneng, ba tlide le go utswa Mmele wa Gagwe nakong ya bošego.” Ebile ba lefile masole go paka seo. Eupsa O tsogile go tšwa bahung!

¹²⁷ Gomme Eliya o tšeetšwe godimo ka koloi ya mollo, le dipere tša mollo.

¹²⁸ Gomme ge moprofeta yo moswa yo a sepetše go bapa kua, a eya go theoga go kgabola toropokgolo. Gomme o be a lahlegetšwe ke moriri wa gagwe, bjalo ka lesogana. O be a eya tlase, kafao bana ba bannyane ba ba kitimetše ka morago ga gagwe, ba rile, “Hei, gobaneng o se wa ya godimo le Eliya?” Ba rile, “Wena ralefatla wa kgale, wena!” Le a bona? Gomme ba be ba efa lenyatšo. Gomme Eliya o dirile eng? O retologile, ka maatla a Moya, gomme a rogaka bana bale. Go diregile eng? Dibera tše pedi tša tshadi di tlide go tšwa sethokgweng gomme di bolaile masomenne pedi a bona. Nnete. Lenyatšo, go hloka tlhomphokgolo. O ka se kgone go dira seo. O swanetše go hlompho Modimo.

¹²⁹ Ge yo mongwe wa bona digotlane a ka be a rile... Bjale, ge tate le mme wa bona ba rile, “Bjale, lebelelang, bana, ba bolela gore Eliya o tšeetšwe godimo. Bjale, ga re tsebe ka seo, eupša, go le bjalo, ga—ga—ga ke tsebe ge eba go bjalo goba aowa, eupša ke le botša selo se sekäonekaone go se dira e no se boleleng selo ka yona. E no yang pele. Ge a feta... Re a kwa o tla tlase go kgabola toropokgolo lehono, o ya go ba le kopano ya mokgotha godimo kua. Ge a dira, ge lena bana, mo tseleng go ya sekolong

lehono, le kopana le yena, nno reng, ‘Go bjang, moruti? Go bjang, mohlomphegi?’ Goba se sengwe boka seo. Bolelang le yena.”

¹³⁰ Eupša sebakeng sa seo, ga go pelaelo ba be ba boditšwe kua gae. Oo, ba kwele papa le mama ba dula tafoleng le go sega, bona seng, ba re, “O tseba eng! Ba rile mopshikologimokgethwa yola wa kgale o tšeetšwe godimo. A o kile wa dumela e ka ba eng boka yeo? Gomme ba rile moisa yo monnyane yo wa ralefatla, a no ba ralefatla bjalo ka lefodi godimo kua, ga a ka godimo ga e ka ba mengwaga ye masometharo tlhano bogolo, gomme šo o tla tlase go kgabola fale, gomme o rile o ya go swara kopano ya mokgotheng, o re letela go dumela ditšiebadimo tše bjalo ka tše. Gobaneng, ga se yena selo eupša tše nnyane... . . . feels di-di dikwero. Seo ke sohle se lego. Gobane, a ka se tle dikerekeng tša rena, O no ba boka Eliya a bile, a ka se tle dikerekeng tša rena. Re tla, o tla... . . . Go molaleng mohuta wo mongwe wa boloi, maleatlana, bofora bjo a nago nabjo, go swana le Eliya.” Ba be ba sa mo dumele. Kafao, bana ba bannyane ba rutilwe seo kua gae.

¹³¹ Ge nkabe ba rutilwe tlhomphokgolo le tlhompho, ba ka be ba sepeletše ntle fale pele ga moprofeta yola wa Modimo gomme ba kgopetše thapelo bakeng sa bonabeng.

¹³² Eupša ba be ba rutilwe go khwakhwaela le go sega, le go dira metlae. Go nyakile go swana le bana ba lehono, mo- . . . bontši bja bona lehono ba tla dira metlae ka kopanong ya mokgotha, ba tla dira metlae ka theroy Ebangedi.

¹³³ Kafao, Eliya o ba rogile, Leineng la Morena. E sego ka lebaka la bana, eupša ka lebaka la batswadi ba go hloka tlhomphokgolo bao ba godišitšego bana ka tsela yela, go nyatša Modimo. Dibera še pedi tša ditshadi di tšweletše di tlie gomme di bolaile masomenne pedi a bona. Bjale, seo ke go hloka tlhomphokgolo. Modimo o nyaka tlhompho! Ge ba nyaditše moprofeta wa Gagwe, ba Mo nyaditše; ga go kgathale ba be ba sa dumele gakaakang, ba be ba swanetše go tswalela molomo wa bona, go dula kgole le yona. Eupša, aowa, ba ile ba swanela go bea ka gare boleng bja bona bja nikelle. Ba ile ba swanela go bolela se sengwe seo ba bego ba se ba swanela go se bolela. Gomme go diregile eng ka bona?

¹³⁴ A re tšeeng batho ba bangwe ba ba e hlomphago. A re tšeeng mosadi wa Mosunami, go moprofeta wa go swana, Eliya. Ka kgonthe o be a se Moisraele. O be a etšwa Sunema, eupša o dumetše go Modimo. Gomme o bone monna yo a feta go kgabola toropo, o mo kwele a bolela, o bone maswao ao a a dirilego.

¹³⁵ Go boletšwe ka go histori, ga ke tsebe ge eba ke therešo goba aowa, gore letšatši le lengwe sehlopha sa dimpša tša lešoka se be se leka go swara mosetsana yo monnyane. Bjale, le ga se Lengwalo, e no ba kanegelo ye ke e badilego. Gomme e rile mosadi wa Mosunami o be a eme khoneng, gomme o bone gore dimpša tše di be di eya go bolaya mosetsana yo monnyane yo.

Gomme monna yo mokgethwa yo o be a feta go kgabola toropo, gomme o phagamišeditše lepara la gagwe godimo go Modimo, gomme a llela ntle kgaogelo go bona bana ba bannyane ka mokgwa woo, gomme dimpša di retologile gomme tša tloga go bona. Ge eba go be go le bjalo goba aowa, go kwagala boka go ka ba, ga ke tsebe.

¹³⁶ Eupša, go le bjalo, mosadi yo o rile, ge Beibele, ge a “bone gore yo e be e le monna yo mokgethwa.” O ile a bona gore se sengwe se diregile. O ile a bona se a bego a le sona, gomme “a bona gore o be a le monna yo mokgethwa go tšwa go Modimo.” Gomme, go na le gore a mo nyatše boka Isebele a dirile, o mo hlomphile. O rile go monnamogatša wa gagwe, “Re kgona gabotse go dira se. Ke a go rapela, a re mo agele ntlo ye nnyane ntle mo felotsoko. A re mo fe lefelo le lennyane, ka gore o lapile. Ke mo šeditše. O a tšofala, gomme ke lemoga moriri wa gagwe wo mopududu ge o lekeletše ka ditedung tša gagwe. Lepara la gagwe le lennyane la kgale, matsogo a gagwe a mannyane a go ota ge a be a sepela go bapela, matsogo a mannyane a go repha ka mokgwa woo. Gomme šo o a tla a sepela go bapa, a swere sedibelo se sennyane sa oli ka lehlakoreng la gagwe, ka seripa sa mokgopha wa nku o tateditšwe go mo dikologa, ka letšatšing la go fiša, mmele wa gagwe o bonagetše o swele le bohubedu. Gomme ke a go rapela, a re mo direle seteše se sennyane, go ema mo. A re hwetšeng rakonteraka gomme re tle ntle mo gomme re mo agele lefelo le lennyane, le go mmea godimo, gobane ke a bona gore moywa gagwe, ka moywa gagwe, ke monna yo mokgethwa. Ke monna wa Modimo.” Oo, oo, a phapano!

¹³⁷ Bjale, monnamogatša wa gagwe o ile a dumelana, o... a ka no ba a rile, “Moratwa, ke etše monna yola hloko, le nna. Ke mo theeditše, ke mo šeditše, ke bone mediro ya gagwe. Ke a tseba ke monna yo mokgethwa wa Modimo. Kafao re tla no dira seo.” Kafao ba biditše rakonteraka le go mo agela lefelo le lekaone le lennyane, le go mmeela malao a mannyane fale go khutša, gore a kgone go robala fase le go khutša. O mo diretše lefelo go hlatswa maoto a gagwe, o na le meetse le dilo, gomme a a lokiša ka kua.

¹³⁸ Gomme ge moprofeta a tlile kgauswi, ka nnete, seo se šegofaditše soulo ya gagwe, go bona gore se sengwe se be se mo diretšwe. O rile go Gehasi, “Sepela, mmitše, gomme mmotšiše ke be ke tla kgona go mo direla eng, a nka ‘bolela le kgoši, go mokapotene mogolo?’” O...

¹³⁹ O rile, “Ke dula magareng ga batho ba ka, gomme ga se gona ke se hlokago.”

¹⁴⁰ Eupša Gehasi o rile, “Ga a na bana. Gomme monnamogatša wa gagwe o tšofetše kudu, o tšofetše. Ga ba na bana.”

¹⁴¹ Gomme ke a eleletša, Eliya a robetše fale godimo ga malao a mannyane a, ao a bego a mo šegofaditše ka go a dira, o bile le maoto a gagwe a hlatswitšwe, le maledu a gagwe a

hlatswitswe gohle, le dilo, a robetše fale, ntle le pelaelo eupša o bone pono ya Morena (gobane, ka mehla ba dirile seo). Kafao o rile, “Sepela, mmitše, gomme o mmotše go ema fa pele ga ka.” Oo, nna! “Sepela, mmitše, gobane o—o hlomphile Modimo. Sepela, mmotše a tle fa.”

¹⁴² Ge a eme mojako, o rile, “O RIALO MORENA. E ka ba ka nako ye, ngwaga wo o latelago, o tla belega lesea.” Gomme e ka ba ka nako yeo, ngwaga wo o latelago, o bile le lesea.

¹⁴³ Ka gona Sathane, ge a fihlile go ba e ka ba mengwaga ye lesomepedi bogolo, tatagwe o bile le yena ntle ka tšhemong letšatši le lengwe, gomme Sathane o rile, “Ke tla fediša ngwana yola,” kafao o nno mo fa strouku sa letšatši. Gomme o hwile ka matsogong a mmagwe.

¹⁴⁴ A seo se mo nyefišitše? Aowa, mohlomphegi. O rile, “Rweša moula sala. Gomme eya pele, o se ke wa ema. Eya godimo Thabeng ya Karamela, thabeng, ka gore o nno feta go kgabola mo letšatši le lengwe.” Oo, oo! Oo, oo! Oo, oo! Nna! Ke lena bao. Yeo ke tlhompho. Yeo ke tlhompho.

¹⁴⁵ Gomme monnamogatša wa gagwe o rile, “O ya go monna wa Modimo.” O rile, “Ga se kgwedi ye mpsha goba sabatha, a ka se be godimo fale ka go wa gagwe . . .”

¹⁴⁶ O rile, “Tšohle di tla loka, go no bea sala go moula le go ntumelela go ya pele.” Gomme kafao ba ile kgole.

¹⁴⁷ Gomme ba fihlile godimo ka thabeng. Gomme ge Eliya wa kgale a lebeletše ntle ga lewa, gomme a tšwela ntle kua gomme a lebelela ntle, o rile, “Yo o lebega boka mosadi yola wa Mosunami a etla.” O rile, “O swanetše go be a nyamišitšwe.” O rile, “Sepela, kopana le yena. Gomme, ge,” o rile, “o nyamišitšwe pelong ya gagwe, gomme Modimo ga se a ke a mpotša selo ka yona.”

¹⁴⁸ Le a bona, Modimo ga se a swanelo go le botša se sengwe le se sengwe, le a bona, kafao ebile ga A botše baprofeta ba Gagwe se sengwe le se sengwe. O no—O no dira se A nyakago go se dira, Yena ke Modimo.

¹⁴⁹ Kafao o . . . Bjale, Eliya o rile, “Modimo!” Go ka reng ge Eliya a boletše se, “Gobaneng O se wa mpotša gobaneng a etla? Gobaneng O se wa mpotša tšohle ka yona?” A ka be a se a ke a bona selo. Eupša go be go lokile le Eliya, e ka ba eng e bilego.

¹⁵⁰ Gomme go ka reng ge a ka be a tlide godimo le go re, o be a tla re, “O rile o be o le mohlanka wa Modimo? Wena moikaketši! Ke a dumela ga o selo eupša mopshikologimokgethwa”? Go ka be go se gwa ke gwa direga. Le a bona? Modimo o a re leka dinako tše dingwe, go bona se re tla se dirago.

¹⁵¹ Kafao, sebakeng sa seo, o kitimetše thwi godimo go maoto a gagwe le go rapela, boka a be a le go Modimo. Gomme o rile, gomme o utolotše go yena se e bego e le bothata. Gomme Eliya o rile, “Tšea lepara la ka gomme o le bee godimo ga ngwana.”

¹⁵² Gomme ge a dirile, mosadi o rile, “Bjalo ka ge Morena Modimo a phela, gomme soulo ya gago ga e tsoge ya hwa,” oo, nna, “wena mohlanka wa Modimo, nka se go tlogele. Ke ya go dula fa go fihla Modimo a romela pono.” Eliya wa kgale o dutše fale nakwana ye nnyane boteletšana; a tlemile matheka a gagwe, gomme o tšere lepara la gagwe gomme šo o ile.

¹⁵³ O ile ka kamoreng moo lesea lela le bego le robetše, lesea la go hwa. A sepelela godimo le fase lebatong, ka mokgwa woo, dinako di se kae. Ka baka la mosadi wa go hlompha, mosadi yo a mo hlomphilego, monna yo a mo hlomphilego, le go mo dumela go ba monna wa Modimo, o sepeletše morago le pele godimo le tlase lebatong go fihla Modimo a arabile. Amene. Nako yeo o patlamile godimo ga lesea gomme la ethimola makga a šupago, gomme a le topa gomme a le fa mme. A sepelela pele ntle, morago godimo go lewa o ile. Gobane o hlomphile monna wa Modimo! Amene. Modimo o nyaka tlhompho.

¹⁵⁴ Go reng ka Maretä? Ka mehla o be a nagana ka go lokišetša Jesu matena a mabotse. Maria o be a nyaka go kwa Lentšu la Modimo, ka fao o ile a no dula go dikologa gomme a Mo theetša. O be a sa tshwenyege ge eba malakane a mosamelo a be a fetotšwe, goba ge eba di—di digaretene di be di rothothilwe, goba ge eba ba bile le e ka ba eng go ja goba aowa, o nno nyaka go kwa se Jesu a bego a eya go se bolela. Eupša Maretä ka mehla o be a nyaka go Mo apeela matena a mabotse, le go ba le nnete gore setulo se dirilwe se boleta gomme se be se nno bewa gabotse, gomme se sengwe le se sengwe se be se hlwekišwa ka mokgwa woo. Eupša o be a Mo nyakile, go direla Jesu se sengwe ka tseleng ya gagwe, gomme Maria o be a nyaka go se dira ka tsela ya gagwe. Eupša letšatši le lengwe ge Latsaro a etla... Batho ba bantsi ba bolela kgahlanong le Maretä, ba rile o be a swanetše go be a na le kgahlego kudu. Oo, aowa, nakwana feela. Le a bona, fao gwa tla nako ya Maretä go laetša ba gagwe. Gomme ka gona ge Jesu... Ge Latsaro a hwile, ngwanabo, o Mo rometše go tla go mo rapelela. Ga se a tla. O hlkomologile pitšo, O ile pele felotsoko gape. O rometše gape, gomme o sa hlkomologile pitšo.

¹⁵⁵ Eupša ge mafelelong A etla, go bonagetše o ka re bjale o be a ka kgona go sepelela ntle go Yena le go re, “Gobaneng O se wa tla? Gobaneng O se wa tla ge ke Go biditše? Ngwanešu wa ka o be a robetše kua, a babja. Re tlogetše kereke ya rena, re tlogetše mokgatlo wa rena, re dirile se sengwe le se sengwe go latela Molaetša wa Gago, gobane re be re dumela gore O be o le Monna wa Modimo. Eupša go kgonega bjang Monna wa Modimo... Gomme rena ditšiololo tše pedi, bana ba bararo ba ditšiololo fa, batho ba bararo ba ditšiololo, gomme boiphedišo bja rena ke go direla tempele yela magogwa. Re be re le maloko kua, mme le tate wa rena ba be ba le maloko kua. Eupša ka gobane gore O re jabeleditše ka go selo, go dumela ka go Se, se O lekago go se ruta, o bolela gore O Morwa wa Modimo le Moprefeta yo a

rometšwego go tšwa go Modimo, le dilo tše, re ka tsoge ra Go dumela bjang, Monna yoo ebole a ka se ntheetšego ge ke Go bitša? Ge ke be ke hloka le go Go hloka, O hlokologile molaetša wa ka gomme wa ya pele. Gomme ke rometše gape, gomme O sa o hlokologile. Gobaneng O dirile selo boka seo?” Ge nkabe a dirile seo, kanegelo e ka be e bile go fapano bošegong bjo.

¹⁵⁶ O dirile eng? O kitimetše thwi ka go otlologa go moo A bego a le gona, a wela fase maotong a Gagwe gomme a re, “Morena, ge nkabe O be o le mo, ngwanešu wa ka a ka be a se a hwa.” Oo, ke lena bao. O be a dira eng? O be a hlompha. O be a le ka Bogoneng bja Modimo, gomme o be a Mo hlompha. O Mmiditše Morena wa gagwe. “Morena, ge O ka be o be o le mo.” (E sego, “Ke rometše go Wena!” Seo sohle se be se lebetšwe.) “Bjale O mo, le a bona. Ge nkabe O be o le mo, ngwanešu wa ka a ka be a be a le mo, a ka be a se a hwa.”

O rile, “Ngwaneno o tla tsoga gape.”

¹⁵⁷ “Oo,” o rile, “ee, Morena, ke a tseba o tla tsoga gape mo letšatšing la mafelelo.”

¹⁵⁸ Gomme—gomme O rile, gomme o . . . O rile, “Eupša Ke nna Tsogo le Bophelo. Yo a dumelago ka go Nna, le ge a hwile, go le bjalo o tla phela. Mang le mang a phelago le go dumela ka go Nna a ka se tsoge a hwa.”

¹⁵⁹ “Ke a dumela, Morena, gore Wena o Morwa wa Modimo yo a bego a swanetše go tla lefaseng. Gomme le bjale, Morena!” Oo! “Le bjale!” (E sego, “Morena, O be o swanetše go be o dirile *se* gomme O be o swanetše go be o dirile *selo!*”) Eupša, “Le bjale, eng kapa eng O e kgopelago Modimo, Modimo o tla Go fa yona.” Yeo ke yona.

¹⁶⁰ Go ka reng ge re ka bolela seo go yo mongwe bošegong bjo, “Oo, ngwanešu wa ka, ke dumela gore se o se kgopelago Modimo, Modimo o go fa sona”? Dipoelo tša go swana di tla tla.

¹⁶¹ Eupša ga go kgathale O be a le bontši gakaakang, ge A be a le . . . Gomme re a tseba O be a le Morwa wa Modimo. Ge nkabe a e nyadištše, e be e ka se šome. Seo se be se etšwa pelong ya gagwe. O rile, “Le bjale, Morena, eng kapa eng O e kgopelago Modimo, Modimo o tla Go fa yona.” Yeo ke yona. Yeo ke yona. Go tšwa pelong ya gagwe, o e dumetše. Ge nkabe A ile a tšeal leeto la go tsoma goba leeto la go thea dihlapi, leo le bego le ka se dire phapano go yena.

¹⁶² Aowa, ge Eliya a ile leetong la go tsoma goba a ile felotsoko, ga se e dire phapano go yona, go mosadi wa Mosunami. O be a sa mo dumela go ba monna wa Modimo. Nnete. Ga go kgathale se a se dirilego, o be a sa le monna wa Modimo, go yena, gobane o be a bone Modimo a sepela ka bophelong bja gagwe.

¹⁶³ Gomme, go Maretla, go sa tshwenye se se diregilego, o bone se Modimo a Mo diretšego. O rile, “Le bjale, Morena, eng kapa

eng O e kgopelago Modimo, Modimo o tla Go fa yona.” Aa, ke lena bao.

¹⁶⁴ O rile, “Ngwaneno o tla tsoga gape.” Gomme kafao O rile, “Le mmolokile kae?” Gomme ba ile tlase lebitleng. Gomme O biditše Latsaro go tšwa lebitleng, morago ga go hwa lebaka la matšatši a mane. Gobaneng? Ka gobane kgaetšedi wa Latsaro o hlomphile se A bego a le.

¹⁶⁵ Ge o sa kgone go hlompha monna, hlompha ofisi ye a e swerego ka go Modimo. Yeo ke nnete tlwa, le a bona, mo hlomphe. Ge modiredi a etla godimo, modiša wa gago, ka mehla mo hlomphe. Ke kwele diphuthego di bolela ka modiša wa bona, ka fao go no bolela ka yena, go mo rakela fase, go mo nyefola. Modiša yola o ya go tsoge a go direla e ka ba eng? A ka se kgone go e dira. Ga—ga o, ga o so... Ga ke bolele kereke ye, eupša ke ra dikereke tše ke di bonego, gore ge o... O swanetše go rata modiša wa gago. O swanetše go tseba gore ke motho, eupša go le bjalo Modimo o mo dirile modiša wa Gagwe. Moya wo Mokgethwa o mo dirile mookamedi, gona o swanetše go mo hlompha ka mokgwa woo. Gomme ga go kgathale se modiša a se dirilego, ge o mo hlompha ka pelong ya gago, bjalo ka mohlanka wa Modimo, Modimo o tla go hlompha go e direng.

¹⁶⁶ “Yo a—yo a Nkamogelago, o amogela Yena yo a Nthomilego,” Jesu o boletše. “Yo a sa Nkamogelego, a ka se kgone go Mo amogela.” Le a bona, ba rile Modimo o be a le Tatago bona; O rile, “Tataweno ke diabolo.”

¹⁶⁷ Kafao, le a bona, o swanetše go e hlompha le go e dumela, go dumela gore O gona. Ee, Mareta o e dumetše.

¹⁶⁸ Gomme seo ke selo se tee se sennyane ke se iteilego mosong wo, mosadi yola wa Sirofenike nako yela ge a etla godimo. Lebelelang ka fao a retologetšego tlase, ga bohloko. O be a le fale, Mojuda; o be a le Montle, gomme o kitimetše godimo go Yena. O be a sa tsebe mokgwa wa go Mmatamela, eupša o be a ne tlhoko, gomme o tsebile gore O be a le Morwa yola wa Modimo. O e dumetše. O... Ge—ge Modimo a ka araba thapelo ya Gagwe bakeng sa ba bangwe, O tla mo arabela thapelo. Gomme o tsebile se A se boletšego e be e le Lentšu la Modimo. Ge eba e be e le Lentšu la Modimo go Bajuda, e be e le Lentšu la Modimo go Bantle, le bona, e ka ba eng A e boletšego. Gomme Jesu o mo fa teko. O rile, “Morena, eba le kgaogelo!” Bjale šetšang. Aowa, O rile... “Wena Morwa wa Dafida,” gobane o be a kwele Bajuda ba re, “Wena Morwa wa Dafida.” Bjale, O be a se Morwa wa Dafida go yena. Le a bona? Gomme O rile... “Wena Morwa wa Dafida!” Yeo e ka be e bile tsela ye Mojuda a ka bego a e batametše, gobane o be a kwele ka moka ga bona. O lekile go tla boka ba dirile, gobane o be a leka go hwetša ditlhompho. O be a leka go bontšha ditlhompho tša gagwe. Gomme o be a sa no dira ntle; Jesu o be a tla tseba ge eba e be e le. Aowa, nkabe A e tsebile. Kafao ge a tlide

godimo, o rile, "Wena Morwa wa Dafida, eba le kgaogelo godimo ga morwedi wa ka, gobane o tshwenywa gagolo ke diabolo."

¹⁶⁹ O ile a retologa gomme a mo lebelela, gomme a re, "Ga se gwa Ntshwanela go tšea borotho bja bana, le go bo lahlela go dimpša." Fše! A yola e be e se yena? Yeo e be e le e tee! E sego feela go mo gana ka kgopelo ya gagwe, eupša o mmiditše "mpša." Yeo ke nnete. Gomme mpša ke le lengwe la maina a fasefase Beibele e nago le ona, le a tseba. Kafao O rile, "Ga se go Ntshwanele go tšea borotho bja bana, le go bo lahlela go dimpša."

¹⁷⁰ O rile, "Yeo ke therešo, Morena." "Morena," gona o e hweditše. O be a se Morwa wa Dafida go yena, eupša O be a le Morena. O rile, "Therešo, Morena. Yeo ke nnete, eupša bana ba ja marathana ka tlase ga . . . Goba, ke ra, di-di dimpša di ja marathana ka tlase ga tafola ya mong." Seo se e swere. Yeo e be e le yona. Yeo e be e le dithlhompho.

¹⁷¹ Jesu o retologetše go yena, o rile, "Tumelo ya gago ke ye kgolo. Bjale eya gae, o ya go hwetša morwedi wa gago feela bjalo ka ge o e dumetše." Yeo ke yona. Gobaneng? E be e le go batamela ga gagwe.

¹⁷² Go ka reng ge nkabe a retologile go dikologa gomme a rile . . . O retologile go dikologa, o rile, "Ga se gwa Ntshwanela go tšea . . ." Ka mantšu a mangwe, "Ga se gwa loka."

¹⁷³ E re, Mokatoliki o tla godimo gomme a re, "Oo, Ngwanešu Branham, ke a tseba Modimo o kwa dithapelo tša gago bakeng sa batho ba mo. A o tla nthapelela?"

¹⁷⁴ Gomme ke tla re, "Gabotse, ga se gwa loka go nna go tšea nako ya bana ba godimo fa. Ke mo go rapelela Mapentecostal a, e sego bakeng sa lena sehlopha sa Makatoliki." Le a bona? O be a tla reng? Oo, monna, ke a eleletša o be a tla tiba go tšwa ka mo go swana le se sengwe le se sengwe. Le a bona?

¹⁷⁵ Eupša o retologile gomme o rile, "Yeo ke therešo, Morena. Yeo ke therešo, Morena. Eupša re—re rata go, dimpša di rata go ja marathana ka tlase ga tafola ya Mong."

¹⁷⁶ Le a bona, seo se Mo swere thwi ka pela. O retologile gomme o rile, "Tumelo ya gago ke ye kgolo." Gomme ka gona re hwetša taba ye nngwe . . . Le a bona, e be e le go batamela ga gagwe, dithlhompho tša gagwe. O be a hlompha Modimo ge a be a Mo hlompha.

¹⁷⁷ Kafao re hwetša nako ye nngwe go bile le Moroma, gomme o be a le monna yo mogolo, gomme o ratile Bajuda. Gomme o be a na le mohlanka yo a bego a babja. Ka boyena, o be a sa ikwele maswanedi go kgopela Jesu.

¹⁷⁸ Le a bona, ka mehla o nyaka go ikwela bonnyane kudu go feta se o lego. O se tsoge wa ba yo mogolo mahlong a gago mong. Le a bona? Bjale, gomme ge o le yo mogolo, a nke yo mongwe

gape a e bolele ka wena. Le a bona? Eupša bjale ge wena, mosadi yo goba . . .

¹⁷⁹ Monna yo, a ke re, o rile o be a le letona la Roma gomme o bile le mohlanka wa go babja, kafao o rometše go dira mohlanka yo wa go babja a fole. Gomme Jesu o rile, "Ke tla tla go mo fodiša."

¹⁸⁰ Kafao mo tseleng ya Gagwe, Moroma o Mmone a etla. Ke eleletša o rile, "Oo, nna, Yola yo Mokgethwa šo o a tla. Mo go tla Yena yo Mokgethwa yola. Gabotse, ke Montle wa go se balwe. Ke nna—ke nna—ke nna molaolalekgolo wa Roma, ke nna mogenerale, goba—goba moofisiri. Nna—nna—nna—nna ka kgonthe ga ke Mojuda, ga ke na tokelo go Monna yola yo Mokgethwa go tla." Le bona ditlhompho? Le a bona? "Ga ke ne tokelo go ba le Mohlanka yola yo Mokgethwa wa Modimo a tle ntlong ya ka."

¹⁸¹ O Mmone a etla mojako, gomme o Mmiditše, o rile, "Morena, ga—ga ke na maswanedi gore O tla tla ka tlase ga tlhaka ya ka." Go molaleng o be a na le paleisi ya legae, molaolalekgolo. O rile, "Ga ke na maswanedi gore O ka tla ka tlase ga tlhaka ya ka. Gomme ga—ga se ke nagane nnamong go swanela eibile go tla go Wena, kafao ke rometše ba bangwe ba batho ba Gago—ba Gago Mong ba go šegofala, Bajuda. Eupša ke na le mohlanka mo yo a babjago kudu." Gomme o rile, "Ke nna monna ka tlase ga maatlataolo," o rile, "Ke re go lešole le, 'Wena sepela,' gomme o a ya. Ke re go yo motee yo, 'Wena etla,' gomme o a tla."

¹⁸² O boletše eng kua? "Ke a tseba gore O na le maatla ohle. O ka kgona go re go bolwetši bjo, 'Sepela,' gomme bja ya. Gomme o ka kgona go bolela go yo motee yo, 'Etla,' gomme e tla tla." Le a bona, o lemogile. Gomme bjalo ka ge a bile le maatlataolo godimo ga masole a, kafao Jesu o bile le maatlataolo godimo ga malwetši ohle le mekomane. "Selo se nnoši O swanetšego go se dira, Morena, e no ba go bolela Lentšu!" Yeo ke yona! "E no bolela Lentšu, mohlanka wa ka o tla phela."

Jesu o eme, a retologela go dikologa go bona Bajuda, o rile, "Ga se ke hwetše tumelo boka yela godimo ka Israele."

¹⁸³ O rile, "Go lokile ka mohlanka wa gago." Amene. Gobaneng? Gobane o e hlomphile. O hlomphile Jesu Kriste Yo a bego a le mo—mo Modimo wa Legodimo.

¹⁸⁴ Bjale, ke a thanka go ba thari. Ke no nyaka go bolela selo se tee gape, ke se. Tšohle ditlhompho tše kgolo tšela, le go ya pele; eupša lehono, ka mokgwa wo mongwe, go a fapania. Modimo a ka kgona go dira se sengwe lehono, gomme batho ba tla se sega. Ke a dumela gore re ka be re bile go fapania lehono, e ka ba mengwaga ye masomenne ya go feta ge Moya wo Mokgethwa la mathomo o thoma go wa, eupša batho ba dirile eng? Ba notleletše bareri, ba ba bitša bapshikologibakgethwa. Ba ile ntle go . . . Ebile ba ka se ba fepe ka ditoropongkgolo, le se sengwe le se sengwe boka seo; gomme ba thubile lehea diporong tša tsela ya ralawene, go

phela ka lona. Ba dirile eng? Ba bile le mengwaga ye mengwe ye masomenne, kereke e a dira, e tlaišego, e ile go kgabola se sengwe le se sengwe, dintwa tše pedi ka go nako yeo ye ntši, le a bona, e bolailwe go tloga go dikete tša bona; ge, go molaleng gore o be a ile Gae.

¹⁸⁵ Bjale, go tla direga eng, ge Modimo a thoma go tšhollela ntle Moya wo Mokgethwa godimo ga kereke ka matšatšing a mafelelo, se se ka bego se diregile mengwaga ye masomepeditlhano ya go feta ge A thoma go romela fase maswao a Gagwe le dimaka le mehlolo, go be go tla direga eng ge batho ba ka be bohole ba kgobokane godimo ga yona? Ba dirile eng? Ba rile, “Ke maleatlane, ke bofefeanyi, ke sebalamonagano, ke *se, seo, goba se sengwe*.“ Go ka reng ge ditšhaba tšohle di ka be di ile mmogo le go re, “A go šegofatšwe Leina la Morena”? Go ka reng ge Mamethodist le Mabaptist, le Mapresbyterian le bohole, ba ka be ba tšoenne diatla mmogo gomme ba rile, “Re leboga Modimo, sese se re se lebeletšego. Moya wo Mokgethwa o tšhollelwa ntle. Gobaneng, banna šeba ba ba bonago dipono, baprofeta šeba magareng ga rena, šedi fa—šedi fa dimpho tšohle tše kgolo tše fa, diboledi ka maleme, fa ke bafodiši ba Bakgethwa, sese se sengwe le se sengwe se tšhollelwago ntle godimo ga rena. A go lebogwe Modimo, e tla ka sehlopha se sennyane sa go kokobela se bitšwago Mapentecostal. Bohle a re yeng morago go Beibele gape. A re yeng morago, baena, re thubaganye mekgatlo ya rena, gomme bohole re be ngwanešu o tee”? Dikereke tse kgolo gohlegohle di ka be di tlide mmogo, go tla direga eng? Ngwanešu, go be ebole go ka se hlokege septelele ka nageng lehono. Yeo ke nnete. Aowa, go be go tla ba dimpho tše maatla kudu le matete a šoma magareng ga batho, go be go tla ba le tlhompho ye bjalo, gomme mohlomongwe kereke e ka be e ile Gae gomme Mileniamo o be o tla be o kgatlampana.

¹⁸⁶ Eupša, aowa, ba e nyaditše. Ba ba biditše bapshikologibakgethwa. Dikuranta di be di letile go bolela se sengwe le se sengwe sa go soma, selo sa ditšhila ba ka kgonago, le go bea bosomi bjo bongwe le bjo bongwe bja ditšhila go yona ba ka kgonago go e dira, le dilo boka tše, le dikereke di dirile mašata le go e sega, le—le go dira motlae ka tšona, le go ba raka go tloga le go leka go ba ntšha ka ditoropongkgolo, le se sengwe le se sengwe gape, ka ditlhahlo. Bjale, nka kgona go bolela bontši ka seo, eupša go ba thari.

¹⁸⁷ A nke ke tle go Tabarenekele ya Branham, hle. Bjale Modimo o thoma go tšhollela ntle dimpho godimo ga rena. Re a e bona. Bjale, mpho ya Modimo ke eng lehono? Ke Moya wo Mokgethwa, Ke Moya wo Mokgethwa wo o lego ka go rena. Re swanetše go hlompha Woo. Re swanetše go O hlompha godimo ga motho yo mongwe le yo mongwe O tlago godimo ga gagwe. Re swanetše go amo... go fa... go dimpho tša Modimo tše Kgethwa. Ge A romela dimpho tšela, ga go kgathale di kgontha gakaakang, e ka

se tsoge ya re thuša go fihla re fihla lefelong go fihla re kgona go le hlompha. Yo mongwe a ka kgona go fa seprofeto; ge o sa dumele go seprofeto seo, se ka se tsoge se go dirile botse bjo bo itšego. O swanetše go ba le tlhomphokgolo gomme o swanetše go e hlompha. O swanetše go dumela gore e tšwa go Modimo.

¹⁸⁸ E dumele go fihla e netefatšwa go ba phošo. Gona ge e netefaditšwe go ba phošo, gona o ne tokelo go se e dumele, gona o se sa hlakana le yona gape. Eupša ge feela e netefatšwa go ba therešo, gona e dumele.

¹⁸⁹ Go swana le Samuele wa kgale o boletše letšatši lela ge ba be ba nyaka kgoši. O rile, “Ke nyaka go le botšiša selo se tee. A nkile ka tšea e ka ba efe ya tšelete ya lena go tšwa go lena? A nkile ka le kgopela bakeng sa tša boiphedišo? Goba, a nkile ka le botša e ka ba eng ka Leina la Morena eupša se se diregilego?” O rile, “Ga le hloke kgoši, gomme kgoši ya lena e ka se le hole.” Gomme o ba boditše. O ba tlišeditše potšišo, o rile, “A nkile ka ke ka le botša e ka ba eng bjalo ka O RIALO MORENA eupša se se diregilego?”

¹⁹⁰ Bjale, ka gona batho ba nyaditše Samuele. “Oo, re a tseba, Samuele. Yeo ke nnete, wena, re ka se kgone go bolela gore ga se nke wa re botša e ka ba eng... se se bego se lokile, eupša, eupša go le bjalo re nyaka go e dira ka tsela ye.” Le a bona? Ga la swanela go dira seo. Le swanetše go se dira ka tsela ya Modimo.

¹⁹¹ Ge re amogela Moya wo Mokgethwa, ga se go šikinya diatla le modiša. Go amogela Moya wo Mokgethwa ke go amogela Kriste ka go wena, gobane Yena ke Motseta wa Modimo wa letšatši. Moya wo Mokgethwa ke Motseta wa Modimo, gomme re swanetše go Mo hlompha. Ge A etla, o se ke wa re, “Hee! Hee! Hee! Lebelela mosadi yola a goelela kua, gomme a lla, megokgo e kitima go theoga marama a gagwe. Lebelelang monna yola fale, a šikinya diatla tša gagwe le go roromela le go lla. Le tseba se seo se lego? Seo ke sehlopha sa go šomela maikutlo godimo.” O rogaka Moya wo Mokgethwa. O swanetše go hlompha Woo.

¹⁹² Elelwang, fa nako ye nngwe ya go feta ke be ke le ka Oregon, e ka ba, e bile e ka ba mengwaga ye lesomepedi ya go feta. Gomme basetsana ba babedi ba bannyane ba Katoliki ba tla tlase. E sego ka gobane ba be ba le Katoliki, ga go selo gape; gobane ke bile feela le Maprotestant a mantši, le Maprotestant a mantši go feta ke na le Makatoliki, go dira metlæ ka nna. Gomme—gomme—gomme kafao basetsana ba ba tla tlase go fa pego. Kafao ka pela ge ba tsene ka fale, ke swere moya ka pela ge ba tsena, gomme ke rile, “Go lokile, bjale ke tshwaswalatšo efe o nago le yona godimo ga matsogo a gago bjale?” Gomme mosetsana yo a gogela sekerete ntłe gomme a thoma, gomme ka re, “O se ke wa no gotetša seo ge o sa le ka ntłong ya ka. E no se tlogela se nnoši.”

¹⁹³ Kafao ka dula fale nthathana gannyane, gomme o ntebeletše mo o ka rego o be a kgona go kitima go nkgabola, ka mokgwa

woo, gomme a thoma go bolela tše dingwe. O rile, “Gabotse, ke nyaka go go botšiša dipotšišo tše dingwe.”

Ke rile, “Bolela.”

¹⁹⁴ O rile, “Go tla bjang gore o kgokagane le sehlopha se sa bapshikologibakgethwa godimo mo?” O rile, “A o yo mongwe wa bona?”

Ke rile, “Ke yo mongwe wa bona.”

¹⁹⁵ Gomme o rile, “Gabotse, o ra go mpotša go tla ba le e ka ba eng sa bomodimo ka seo?”

Ke rile, “E sego go wena, bjalo ka Mokatoliki, o ka se e dumele.”

O rile, “O tseba bjang ke Mokatoliki?”

¹⁹⁶ Ke rile, “Ke a tseba o Mokatoliki. Ke tla go botša leina la gago o mang, o a bona, le yo o lego yena.” Seo se mo tlošitše maotong a gagwe.

¹⁹⁷ O rile, “Gabotse, o ra go mpotša gore batho ba mohuta wola, ba re, ba tla phela mo lefaseng le go ba Legodimong?” O rile, “Nka se nyake go ba Legodimong le batho ba ba bjalo ka bale.”

¹⁹⁸ Ke rile, “Ga wa swanelo go tshwenyega kudu. Ge feela o nagana ka tsela yela, o ka se be fale, go le bjalo, o a bona.” Ke rile “O ka se be le matshwenyego a itšego ka seo.”

¹⁹⁹ Ke nno ema, ka mo lebelela thwi ka sefahlegong. Gomme se—se sehlophana sa baena se be se dutše ka moagong. Ke rile, “Ga ke ferekanywe. Ke—ke no nyaka go go dira o tsebe moo o emego, o a bona.” Gomme ke rile, “O ya go ngwala, o nyaka go tla ntle mo go hwetša dilo, gomme o ka se tsoge wa ngwala se ke go boditšego. O tla e dira kanegelo ya gago mong. O ya pele le go dira seo, eupša ke nyaka go go botša selo se tee. O ngwala se sengwe le se sengwe sa go goboša o nyakago go, gomme” ke rile, “pele o ehwa, segalontšu sa ka se tla biletša morago ka ditsebeng tša gago. Ge e sa dire, gona o a tseba ke nna moprofeta wa maaka.” Ke rile, “Bjale, o no ngwala e ka ba eng o nyakago, go tšwa go wena. Ke go fa tokologo go ya go ngwala se o nyakago go. Eupša pele o ehwa, o tla kwa segalontšu sa ka se goeleta ka ditsebeng tša gago. Se ka se go hole.” Ke rile, “Bjale eya pele gomme o ngwale se o nyakago go.”

²⁰⁰ O eme fale gannyane nthathana. O rile, “Gabotse, o nagana eng ka sehlopha sela sa diota godimo fale, se goeletšago le go ya pele bošegong bja go feta?”

Ke rile, “Bohle ke Bakriste.”

“Mokriste?”

²⁰¹ Ke rile, “Kgonthe, ke bona Bakriste.” Ke rile, “Ke bona Bakriste, ba tladišwe ka Moya wo Mokgethwa.”

Gomme o rile, “Woo ga se Moya wo Mokgethwa.”

²⁰² Ke rile, “O tla bitša Moya wo Mokgethwa eng?” Le bona se a ilego a swanela go se bolela ka yona. Ke rile, “Ke tla rata go go botša se sengwe.”

²⁰³ A re, “Go lokile, nka se nyake go ikamanya ka bona le sehlopha sa go swana le seo.”

²⁰⁴ Ke rile, “Ga ke nagane gore go na le kotsi ye ntši,” ke rile, “ya wena o kile wa ikamanya ka bowena ka mokgwa wola.” Ke rile, “Ka gobane, ge o ka tsoge wa amana le Modimo goba le bakgethwa e ka ba bafe, o tla amana ka mokgwa wola.”

O rile, “Bakgethwa ba Beibele?”

²⁰⁵ Ke rile, “Ee.” Ke rile, “Wa gago ‘mošegofatšwa kgarebe Maria,’ o a mmitša, yo a lego modimogadi wa gago,” ke rile, “pele Modimo a ka tsoge a mo dumelela go tla Legodimong, o ile a swanela go ya godimo go Letšatši la Pentecost le go amogela Moya wo Mokgethwa, le go thekesela ka tlase ga Maatla a Modimo boka mosadi wa go tagwa.”

O rile, “Ao ke maaka.”

²⁰⁶ Ke rile, “Homola motsotso feela.” Ke phetlile godimo fa go Puku, gomme ke rile, “Lebelela fa,” ke phetlile. Ke rile, “Še yona thwi fa ka Pukung.” Gomme o retolotše hlogo ya gagwe. Ke rile, “Ebile ga o ne sebete go bala Lentšu la Modimo.” Le a bona? Ke rile, “Kgonthe.” Le a bona, go nyatša. Ke rile, “Bjale o ka tšea lepakana la gago la disekerete go tloga tafoleng fale, le go ya ge o loketše.” Eupša ke rile, “Ke nyaka o tsebe selo se tee. O ngwale e ka ba eng o nyakago, eupša elelwa mantšu a mafelelo ke a bolelago, ‘Leineng la Morena, o tla e elelwa pele o ehwa.’” Ga se nke a ngwala selo. Yeo ke nnete. O no e lesa e sepele.

²⁰⁷ Ke eng? Lenyatšo, ba leka go dira metlae, ba dira se sengwe. Ga ba tsebe se ba se dirago. Yeo ke nnete.

²⁰⁸ Eupša fa ka tabarenekeleng, re nyaka lena bohole go tseba dilo tše fa. Ge Modimo a thoma go tšhollela ntle Moya wo Mokgethwa godimo ga batho, dinako tše dingwe ke a tseba ke bone batho ba tsena ka nameng ge ba be—ge ba be ba le ka tlase ga tlotšo ya Moya, ke ba bone ba eya go feteletša ka dilo, eupša le se bolele selo ka yona. Le a e hlompha, inamišang hlogo ya lena. Le ka no se e kwešiše, le nna nka se ke, eupša ke nyaka go e hlompha, go le bjalo. Bjale, re swanetše go ba le ditlhompho go Modimo. Gomme ge Modimo a tšhollela ntle Moya wo Mokgethwa, ke no leboga, ka re, “Ke a Go leboga, Tate wa Magodimong. O dira se sengwe bakeng sa soulo yela ya go šokiša ye bohlokwa yeo e nyakago go tla Legaeng la Gago, boka ke dira, letšatši le lengwe.”

²⁰⁹ Gomme ke bona banna, go swana le mo nako ye nngwe ngwanešu yo a lego ka bodireding o boletše gore ke boletše ka yena. Gomme re ile le go tšeaa ditheipi tšohle le go mo romela. E be e le Ngwanešu A. A. Allen. Gomme o boletše gore ke dirile metlae ka yena go bolela ka madi go tšwa seatleng sa gago le—

le go bitša gore bohlatse bja mathomo bja Moya wo Mokgethwa, gomme—gomme ke a dumela e be e le madi le oli e etšwa diatleng tša gagwe le phatleng, le dilo. O rile seo e bile—e bile gore ke dirile metlae ka seo le go mmotša gore e be e le sa diabolo. Ke ile ka dula morago, ke ile ka no mo ngwalela lengwalo, ka re, “Ngwanešu Allen. . .” O ile a ngwala seripa gomme le—le a se bala, “Morategi Ngwanešu Branham.” Le a bona? Gomme ka fao ka gona go bea ntle dithereke ka moka go kgabaganya naga, go na le gore go tla gomme le go mpona ka yona, o dirile seo.

²¹⁰ Eupša bjale sese se ke se boletšego, ke rile, “Ke tla tšeа mašego ohle a tshela ka Phoenix, le go go romela ditheipi tša ka le go go bontša.” Yeo Leo le bona ba e dirilego, gomme ba rometse ditheipi go bona. Ke rile, “Nako e tee feela leina la gago le biditšwe. Batho ba beilwe godimo ga teseke ya ka, gomme ba rile, ‘Ngwanešu Branham, Ngwanešu Allen o sa tšwa go ba ka toropong gomme a re botša gore “bohlatse bja mathomo bja Moya wo Mokgethwa e be e le go tšwa madi ka diatleng le go tšwa madi ka sefahlegong, gomme oli e kitima go tšwa seatleng sa gago, bjoo e be e le bohlatse bja mathomo.’”

²¹¹ Ka re, “Ke ganana le Ngwanešu Allen godimo ga seo e le bohlatse bja mathomo bja Moya wo Mokgethwa, gobane go be go se felo ka Beibeleng moo ba kilego ba tšwa madi mo diatleng, le—le oli e etšwa sefahlegong sa bona le diatla, go netefatša ba bile le Moya wo Mokgethwa.” Ke rile, “Moya wo Mokgethwa e be e le Maatla a Modimo ka maphelong a bona. Gomme Jesu o rile, ‘Maswao a a tla latela bona ba ba dumelago,’ le a bona. ‘Leineng la Ka ba tla lelekela bodiabolo ntle,’ le go ya pele.” Eupša ke rile, “Sese selo se tee ke tla se bolelago ka Ngwanešu Allen, ke monna yo mogolo wa Modimo. Gomme ge nka kgona go rera gabotse bjalo ka ge Ngwanešu Allen a kgonne, nka se tsoge ka ba le tirelo ya phodišo, ke tla no rera Ebangedi.”

²¹² Ka gona, le a bona, ka morago ga ge a dirile a bea pampiri yela ntle le se sengwe le se sengwe, gore ke “dirile seo,” feela godimo ga se yo mongwe gape a se boletšego. Eupša ebile ga se ke dumelelane le ngwanešu godimo ga teori ya gagwe, ka kgonthe nka se nyake go rogaka ngwanešu.

²¹³ Gomme gona go emeng thwi fale, godimo fa ka Minnesota, bošegong bjoo, ka Minneapolis, Minnesota, gomme go be go le ka go khatheterale ye kgolo yela, tempele, le Gordon Peterson. Gomme moisa yo a ngwadilego puku yela kgahlanong le A. A. Allen, gomme o boletše se sengwe le se sengwe ka yena seo se ka go bolelwa, gomme o rile, “Ebile o bile le sebete go ngwala puku yela ya *Bodiabolo Ba Go Loma*, ka mosadi yola, o laeditše dikgato tša gagwe moo diabolo a mo lomilego, le dilo boka tšeо.” Bjale ka—ka kgonthe ke . . . (ga ke tsebe ge eba seo e ka ba therešo goba aowa, gobane diabolo ke moya, le a bona; eupša mosadi yo o tteleimile diabolo wa moriri wo mogolo o a tla le go mo loma gohlegohle diatleng le gohlegohle sefahlegong, le se sengwe

le se sengwe boka seo.) Gomme o rile, "A. A. Allen o ngwadile puku yela." Gomme monna yo a ngwadilego puku, o ngwadile athekele ye botse ka nna, gomme šo o be a dutše thwi fale ka kopanong bošegong bjoo (ge Ngwanešu Peterson le bona ba etla ba mpotša, šole o dutše), gomme o be a ikgantšha ka nna, gomme a nyenefatša A. A. Allen.

Ka gopola, "Nako še mo nka kgonago go e tšeela godimo go Ngwanešu Allen."

²¹⁴ Kafao ke sepeletše ntle fale, gomme ke rile, "Ke be ke bala fa athekele ka pampiring lehono gore monna yo a itšego yo a lego ka toropongkgolo, e sego . . ." A tseba gore o be a dutše thwi ntle kua. Ka re, "O boletše mo gore A. A. Allen, le tshwaswalatšo yohle." Ke rile, "Le ge ke thabela monna go bolela theto ka nna ye a e dirilego," ke rile, "gore ke be ke se ntle bakeng sa tšelete le dilo boka tše, gomme ke swere dikopano tša go hlwekahlweki tša e ka ba efe ya tšona, le go ya pele, dilo tše botse a di boletšego." Ke rile, "Ke leboga seo. Eupša ge monna yola a ngwadilego athekele ye fa ka pampiring, a se tsoge a hlola dinoutse tša gagwe e ka ba dife kgauswiuswi go feta go re A. A. Allen o ngwadile *Bodiabolo Ba Go Loma*. A. A. Allen ga se a ke a ngwala puku yeo. Ke tseba monna yo a e ngwadilego." Ka re, "Ga se a ke a ngwala puku le gatee. Gomme ge monna a se a ke a hlola go athekele ya gagwe bokgauswi bjo bo itšego go feta seo, ke a kamaka gore ka moka tše a kilego a di bolela ka Ngwanešu Allen ke therešo." Go emelela Ngwanešu Allen. Gomme ke rile, "Ntle le, ge Ngwanešu Allen a ka ba phošo, bokaone ke hwetšwe ka Pankeng ya Kahlolo ke tšeа go ema ga ka le Ngwanešu Allen ka phošong, ge a leka go thopela disoulo go Kriste, go feta go swaswalatša se monna a lekago go se dira." Amene. Yeo ke nnete. Ee, mohlomphegi.

²¹⁵ Mang kapa mang yo a bitšago Leina la Jesu Kriste, ke na le yena ge eba ke Moprotestant, Mokatoliki, goba eng kapa eng a lego yona. Nka—nka no se dumelane le yena godimo ga thutamodimo, eupša ke nyaka go mo hlompha bjalo ka mohlanka wa Kriste le bjalo ka ngwanešu. Le a bona? Gomme ga go kgathale se a se dirago, re swanetše go fa ditlhompho go Moya wo Mokgethwa. Nnete tlwa. Ee, mohlomphegi. Gomme ge re fihla go direng seo, gona Modimo o tla ya go tšollela ditšhegofatšo tša Gagwe magareng ga rena. Feela rena, sehlopha se sennyane thwi mo, e ka ba masometlhano goba masometshela, goba mohlomongwe masomešupa tlhano a batho ba dutše ka mo bošegong bjo, ge re ka no, bohle mmogo, ra itlemaganya renabeng mmogo le go fa ditlhompho tša bomodimo go Modimo le go Moya wo Mokgethwa, le se A se dirago ka letšatšing le, le go hlompha mpho ye nngwe le ye nngwe le ofisi ye nngwe le ye nngwe yeo A e romelago ka magareng ga rena, Modimo o tla no tšwelapele go tšollela ntle Moya wa Gagwe godimo ga rena gomme re tla gola

ka dinomoro le go ata. A ga le dumele seo? Kgonthe. Re swanetše go ba le ditlhompho go Modimo.

²¹⁶ A re inamišeng dihlogo tša rena lebakana feela bakeng sa thapelo. Pele re eya thapelong, ke tla rata go tseba ge eba go ne e ka ba mang ka fa a ka ratago go re, “Ngwanešu Branham, ke nyaka o nthapelele, gore ke tla ba le ditlhompho tše kgolo go Modimo, gore ka mehla ke tla kgona go tswalela molomo wa ka kgahlanong le dilo tša Modimo, ga go kgathale se di lego, gomme a nke Modimo a bee ka pelong ya ka go hlompha mpho ye nngwe le ye nngwe ye Kgethwa A e romelago ka kerekeng.” A o ka no phagamisa diatla tša gago, le go re, “Nthapediše.” Modimo a le šegofatše. Go nyakile go ba seatla se sengwe le se sengwe ka kerekeng, gomme ke bile le sa ka godimo, le nna.

²¹⁷ Modimo, nthuše go ba mohlanka wa Gago. Nthuše go hlompha banešu ba ka, nthuše go hlompha dikgaetsedi tša ka. Gomme Moya wo mongwe le wo mongwe wa Modimo wo o tlago ka kopanong, ge eba ke go bolela ka maleme, ge eba ke tlhathollo ya maleme, ge eba ke seprofeto, ge eba ke dimpho tša tlhatho, e ka ba eng e lego, ke re, “O Morena Jesu, di romele. Di romele, O Morena. Ke leboga Wena.”

²¹⁸ Bjale, Tate wa Legodimong, re a tseba gore Wena o Modimo yo mogolo le go šiiša. Re a tseba gore bogale bja Gago bo a šiiša. Ge gatee O na le pelwapelwana ya Gago godimo, gobaneng, ke—ke selo sa go befa. Bogale bja Modimo bo ka kgona go senya lefase ka motsotswana. Eupša ge O lebelela fase godimo ga Madi a Morena Jesu, gona kgalefo ya Gago e a rakwa. Oo, nkute godimo ka go Leswika la Mehleng! Morena Modimo, boloka soulo ya ka e khupeditšwe ka Madi a Morena Jesu. E sego feela ya ka, Morena, eupša bao ba lego ka mo, le bona, bošegong bjo. Re a Go rata, Morena. Gomme mpho ye nngwe le ye nngwe yeo O re filego, le ge ba ka re bitša e ka ba eng ba nyakago go e dira, Morena, seo go le bjalo se ka se... ga ke nyake seo go ba le selo se tee go dira le yona, re sa hlompha Wena, Yena yo mogolo, Moya wo Mokgethwa wo mogolo. Re a Go rata, Tate.

²¹⁹ Re a Go leboga bakeng sa mpho ya phodišo magareng ga rena. Re a Go leboga bakeng sa mpho ya seprofeto magareng ga rena. Re a Go leboga bakeng sa mpho ya maleme, le mpho ya tlhathollo. Gomme, O Modimo, re a rapela gore O tla tšwelapele go romela dimpho magareng ga rena, dimpho tša Moya wo Mokgethwa wo mogolo. Ka godimo ga dilo tšohle, Morena, re thabile kudu re nago ka pelong ya rena ke bakeng sa Mpho ye kgolo yela ya go lekanelo moka, ya Jesu Kriste. Re a Go leboga bakeng sa mogau wa Gagwe le kgaogelo ya Gagwe, Yo a dirago dilo tše dingwe tšohle tše dinnyane tše go swanela go rena ka tlaišego ya Gagwe ya go emela le go tšwa madi mo Khalibari. O hlwekiša batho ba go tlwaelega ba ba Mo kwago ka lethabo.

²²⁰ Gomme, Morena, re thabile kudu gore O tla go batho ba go tlwaelega. Ka Beibeleng, ka go Puku ya Mokgethwa Luka, re bala gore, "Batho ba go tlwaelega ba Mo kwele ka lethabo." Lehono ba re, "Oo, seo e no ba sehlopha sa go tlwaelega." Eupša, Morena, seo ke sehlopha se se Go kwelego ge O be o le mo ka nameng. Batho ba go tlwaelega ba Go kwele ka lethabo. Baikgogomoši, bahumi, le ba bantši ba bao ga se ba Go kwa. Dikgoši, bahlomphegi, baprista ba letšatši, ba be ba ka se Go kwe. Eupša batho ba mehleng ba Go amogetše.

²²¹ Gomme, Tate, bošegong bjo, re batho ba go tlwaelega, gomme ka lethabo re a Go amogela. Re thakgetše boka ba be ba le ge ba etla morago ba hlalala, le go nagana e be e le selo sa go makatša, le go thaba gobane ba kgonne go rwala kgobogo ya Leina la Gagwe, ge ba ba gobošitše le go ba bitsa se sengwe le se sengwe. Gomme ba be ba thabile kudu, gobane e be e le monyetla go bona go tlaišega bakeng sa Leina la Jesu Kriste. Tate Modimo, re itšoena renabeng le bona barutiwa ba letšatši lela, le go re, "Re thabile."

²²² Ke eme bošegong bjo boka Mokgethwa Paulo wa kgale, ge a eme pele ga Agrippa, gomme o rile, "Ka Tsela ye e bitšwago bohlanya, bogafa, ke ka tsela ye ke direlago Modimo wa botate."

²²³ Gomme ge Agrippa a rile, "Paulo, go ithuta mo gontši kudu go go dirile gore o gafe."

O rile, "Ga ke gafe, O Agrippa."

²²⁴ Gomme ka gona mafelelong a tla lefelong, a re, "Wena gabotse o ntšušumeletša go ba Mokriste."

²²⁵ O rile, "Ke tla rata gore nkabe o le bjalo ka nna, ebile ntle le diketane tše tša bokgoba."

²²⁶ O Modimo, ke lerato mang leo Paulo a bilego le lona, o rile o tla ba morogakwa, gore batho ba gabu ba ke ba phološwe. O Tate Modimo, re fe lerato yo motee go yo mongwe ka mokgwa woo. Re fe lerato lela la go se hwe, bothakga bjola, ditlhompho yela go rena seng, go ba Mokriste go lekanelo go hlokologa diphošo tša rena seng, go hlokologa. Gobane motho o be a šegofaditšwe ke Modimo; gomme a ka dira phošo. O Tate, a nke re se lebalele go phošo yela, go tsebeng gore yoo ke ngwanešu yo bohlokwa yoo mohlomongwe Sathane a mo tantšego ka go se sengwe. Eupša ge a dirile, re a rapela, Morena, gore O tla thuša yena goba yena go tšwa lefelong lela, gore re tla ba le lerato ka dipelong tša rena go ya ka morago ga dinku tše di lahlegilego le go di tliša morago šakeng. E fe, Morena. Re lebalele dikarogo tša rena, bjalo ka ge re lebalela bao ba nago le dikarogo kgahlanong le rena. E fe, Morena. O se re iše molekong, eupša o re phološe bobeng. Ka gore mmušo ke wa Gago, le maatla, le letago, go ya go ile. Amene.

[Ngwanešu Neville o fa tlhohleletšo—Mor.] Amene. Amene. Amene.

Ke a Go leboga, Morena. Ke a Go leboga, Tate. Go Go tumiša, O Wena Mokgethwa.

²²⁷ O wa letago bjang Wena, Tate! Re Go leboga bjang, Morena! Ke khomotšo bjang go ikwela Bogona bja Moya wo Mokgethwa le go Mo kwa a bolela ka dipounama tša motho, go rena, a tiišetša gore O sa dutše e le Modimo, le magareng ga rena. Re a Go leboga bakeng sa se, Tate. Tšwelapele le rena, Morena. Re rwale, gore re ke re be batho ba Gago. Ka Jesu Kriste re a e kgopela. Amene.

²²⁸ A ga go makatše go ba Mokriste? A ga go makatše go tseba Modimo le go tseba Bogona bja Gagwe? Go nagana ka lehono, bjale, ka fao A dirilego se le go lekga la bobedi. Lehono O—O boletše le kgaetšedi fa, a tsena, ka Seetšeng sela bjalo ka ge A dirile, le go bolela le bona gobane ba be ba dumetše Molaetša. Yena ke wa letago, a ga se Yena? A ga le Mo rate? Ke ba bakae ba Mo ratago ka pelo ya lena yohle, ka soulo ya lena yohle? O a makatša. Bjale a re emeng ka maoto a rena, ge re opela pina yela ya kgale ye botse bohle re e ratago.

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

²²⁹ Oo, a Yena ga a makatše? Go a makatša! Bjale, elelwang tirelo Laboraro bošego. Gomme ka gona, ge Morena a rata, ke tla ba mo Lamorena le le latelago gape, Morena ge a rata. Re rapedišeng go kgabola beke. Ge re inamiša dihlogo tša rena bjale ka thapelo, ke ya go kgopela Ngwanešu Neville, modiša wa rena, ge a ka tlela mantšu a mafelelo ao a tla le fago.



DITLHOMPHO NST61-1015E
(Respects)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Oktobere 15, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org